

Էսսե

ԼՈՒՍԱՎՈՐՉԻ ԿԱՆԹԵՂԸ

1

- Էգա՞ր,- ի պատասխան բարևիս հարցնում է հայրս: (Չեմ հիշում՝ եղե՞լ է, որ հայրս բարևիս պատասխանած լինի... Երևի ծնողներիմ բարևելը սխալ է...): Ինչպես միշտ, հանդիպել ենք դռանը, կանգնած է՝ գլուխկախ, սպասողական, հիմա թե մի բան չասեմ, ձեռնափայտին հուշիկ քայլ կտա: Ծուռտիկ ու մաշված է ձեռնափայտը, կտրել է իր տնկած ուռենուց և անխոս մերժել կոկ ու փայլուն այն գավազանը, որը քաղաքից պետք է նվեր տանեի:

- Տես...- առանց գլուխը բարձրացնելու ձեռնափայտը մեկնում է ծառե-

րին: Ծառերի սաղարթները սևացել են, նորեկուկների տերևները կույ՝ են եկել. քրոջս աղջիկը վազում է «իմկուբատոր» ճտերի հետքով, դիպչում է մի մատղաշ ծառի, և տերևները տաշեղների պես խշխշում են:

- Պուտ մի ջուր էղներ,- առանց գլուխը բարձրացնելու ասում է հայրս:

Կատուն դարանել է կարտոֆիլի թփերի տակ, որը ծագերից մեկին հիմա հա՛փ կանի, քրոջս աղջիկը նկատում է՝ խփում կատվին և շոյում հավաքած, կրծքին սեղմած չորս-հինգ օրական ծագերը: Արդեն մի քանի տարի է թուխս չունենք, մայրս ասում է՝ թխական չկա, անցյալ տարի մի հավ թուխս նստեց, բայց շաբաթը չբոլորած բնակալը թողած փախավ: Մայրս ստիպեց, կապեց ձվերի վրա, թխականը կտցեց, կտցեց ոտքից կապված թելը, փախավ, մայրս ստիպեց, կապեց, թխականը թելը կտցեց, կտցեց, փախավ... Հիմա հազարից մի հավ թուխս նստելու ցանկություն չունի, հազարից մի թուխս չի համբերում՝ քսանանեկ օր չի նստում ձվերի վրա...

- Քարեր ճաք տվեցին,- զանգատվում է հայրս: Ծուռ ձեռնափայտը հրացանի պես կողքի պահած, գլուխքարշ կանգնել է դեմս, կաշկանդել ինձ, և չեն կարողանում տուն մտնել: Ասենք՝ ցանկություն էլ չունեն. տանն են, էլի, ահա՛՝ հորս ոտաց տակի խարկված հողը, հորս ձեռնափայտը, խշխշացող տերևներով ծառը, «իմկուբատորի» որը ծագերը, դարանակալ կատուն, ծառի տակ հևացող երեքոտանի շունը, որ սարերից հալածված իջավ (չգիտեմ մարդկանց դեմ ինչ շնություն էր արել՝ կամեցել էին սպանել, ոտքն էր կտրվել), մայրս մի կտոր հաց տվեց, շունը մնաց մեր դռանը կտոր հացի պարտքը հատուցելու և հիմա ծանր բարձրացնում է գլուխը, մայրս ինձ, թե քեզ չեն մոռացել, գիշերները ստիպում է իրեն՝ չի քնում, իրեն ստիպելով խոպոտ հաչում է, կիսախուփ աչքերում՝ կտոր հացի պարտքը...

- Ապրիլից ես կողմ անձրև չկա...

«Ես ի՞նչ անեն», - պատասխանում են մտքումս, բայց հորս զանգատին արձագանքել է պետք. շրջվում մայրս են Արագածին. ամպեր են որոնում: Հայրս առանց գլուխը բարձրացնելու ասում է.

- Չկա...

Օրը հազար անգամ մայրս է՝ ամպ չկա: Տարին երաշտ է: Արագածի չորեք կողմերը ծվարած գյուղերը օրը հազար անգամ ծոցվոր ամպեր են որոնում Արագածի կատարներին: Շա՛տ երաշտ է տարին:

Արագածի կատարը մի ծվեն ճերմակ ամպ է ծխում: Դա ամեն օր կա, թե՛ չծիլ, չաճի, այդ ծվենը անձրև բերող չէ:

«Էդ ճերմակ ծվենը Լուսավորչի կանթեղն է», - ասում են մտքումս:

Կա մի ավանդազրույց. Արագածի կատարին հավերժորեն վառվում է մի կանթեղ: Կանթեղը ոչ լեռան կատարին է նստած, ոչ կախված է երկնքից: Երկնքի հետ պարան-կապ չունի: Ասում են՝ Արագածի մի քարայրում տաճար կա, և կանթեղը հենց այդ անհայտ քարայրի աներևույթ տաճարինն է, ասում են՝ կանթեղում զօր ու գիշեր քրտինք և արցունք է այրվում, զօր ու գիշեր կանթեղը լույս է տալիս: Եվ ասում են՝ լույսը երևում է միայն նրանց, ովքեր անճար ու մոլոր են, տկար են ու հուսահատ: Երևում է՝ դառնում

ուղեցույց և հույս:

Երկար մայրում եմ Արագածի ճերմակ ծվենին ու մտածում՝ հորս երկրացիները Արաքսն այս կողմն անցնելուց Արագածի կատարին տեսել են «Լուսավորչի կանթեղը»: Եվ ոչ ոք չի առաջնորդել՝ կանթեղն ինքն է գաղթականներին քաշել-բերել Արագածի փեշը և հորդորել՝ նստեք այս քարերին, և նրանք Արտեմի լեռից մինչև Արա լեռ, Արագածի փեշին՝ ելնող ու իջնող քարեղեն ալիքների վրա, կողք կողքի խոնարհ շարվել են:

- Դու տեսն՞ել ես «Լուսավորչի կանթեղը», - հարցնում եմ հորս:

- Սուրբ Լուսավորի՞չ:

- Չէ՛, Արագածի կատարի լույսը:

- Քու խոսք Արագածի ամպերու կայծակի՞ն կպատկանի... Դա՞նք էս տարի քիչ է. էս տարի Արագածի ամպ ու կայծակ պակաս է:

Բակից երևում է դիմացի դարը՝ խանձված է, գորշ, ամռան կեսօր է՝ կուտակ-կուտակ քարերը տոժում են, և աչքերիս մեջ թրթռում են գունդ ու կծիկ տիվագուլի երակները: Դարուսին փայլվում է ասֆալտապատ ճանապարհը, Երևան-Լենինական մայրուղին է՝ արևկող արած լորտուի պես փայլվում է, գալարուն իջնում՝ պառկում ձորի կամրջին, կես անում մեր Կաթնաղբյուր գյուղը, անցնում Թալին ու գնում Լենինական: Չգիտեմ ինչու, չարանում եմ. հանկարծ ինձ թվում է, թե գյուղի երաշտը այդ ասֆալտով է գալիս: Ասֆալտից մի քանի քայլ դուրս, դարի վրա, մի ձի է կանգնած: Չիում քիչ առաջ ես մոտիկից տեսա՝ ավտոբուսի պատուհանից, կանգնած էր զավակը դեպի ճանապարհը, դեմքով՝ Արագած սարը՝ անթամբ էր, անսամձ, պարանոցից կախ մի կտոր պարան: Դիմա նույն տեղը, նույն դիրքով, ճամփից դուրս հրած քարի պես, անշարժ մնում է: Ո՞ւմն է: Ի՞նչ իմանաս, գուցե տիրոջ համար բռն է դարձել կապը գցել է վիզը, քշել-հասցրել մեր դարը, հետո ծիուն թողած, կանգնել է ասֆալտի պռնկին, նստել վզվագող ավտոներից մեկը, գնացել. Չիերը հասկանում են գյուղ ու շենից իրենց վտարելը, ձիերը հպարտ են՝ վտարվող գող կատուների պես չեն վերադառնում «Ձի, - ասում եմ մտքումս, - քեզանից քանի՞սը ներողություն պետք է խնդրեն, որ հիմա քո մասին մոռացել են: Ներողություն, ձի... ձի...», - ուրիշ խոսք եմ որոնում ճամփեզրին մենակ ու մտածկոտ կանգնած ձիու համար և ինքն իրեն գալիս է.

***«Ես ձեզ այդ վիճակից ինչպե՞ս հանեմ, ձիեր,
Լացս զսպեմ ու ձեր... ցավը տանեմ, ձիեր...»:***

Եվ ինձ թվում է, թե առավոտից ես այդ էի որոնում, ճանապարհին ավտոբուսի տաք պատուհանին հպված, դարի գլխին, որտեղ տեսա ձիուն և ապա երևաց մեր գյուղը, հիմա, հորս դիմաց կանգնած բանաստեղծի այդ տողն էր իմ որոնածը՝

«... ձեր... ցավը տանեմ, ձիեր...»:

Լցված ծխախոտ եմ վառում, քայլում տան կողմը, բայց չենքից ետ

դառնում ու նստում աստիճաններին: Ուզում եմ, որ հայրս էլ գա նստի կողքիս, բայց հայրս ետ էլ չի մայում, այդպես գլուխկախ մի քանի քայլ է անում, հասնում տան դեմով անցնող առվին, ծանր նստում է, ոտքերը հարմար տեղավորում ցամաք առվի հատակը, կողքանց աչք դիպցնում Արագածին և ապա դեմք ու հայացք խոնարհում առվի մեջ:

Հայրս մեր տան դեմով անցնող առվի հետ ավելի մոտ է, ավելի մտերիմ է, քան ինձ... Արագածի կողմ ավելի հավատով է մայում, քան դարի ուսին փայլփող ասֆալտին, որը ինձ տուն բերող ճանապարհն է:

«Արագած,- մայում եմ հորս խոնարհած, նիհար ուսերին,- Արագած, հորս երևացրու քո լուսո կանթեղը»:

Մայրս գալիս նստում է կողքիս, շփում ավերի ճաքերը և սպասում, թե ես ինչ կխոսեմ:

- Մա,- ասում եմ,- շնորհակալություն պետք է հայտնել մեր ծառերին, որ ես համատարած երաշտի մեջ կանաչ եմ մնում, ապրում եմ:

- Ճիշտ է,- անմիջապես համաձայնում է մայրս,- մենակ ծառերին չէ, գառ, մեր կովին, մեր ոչխարներին. կուղարկենք չուլ, թե՛ քարեր կրծեք, մեզ համար կաթ բերեք... Մեղք կգործինք:

Մի բարդոց ամպ է երևացել գյուղի երկնքում: Արագածի կատարի ճերմակ ծվենը ծլել է: Հայրս շուտ-շուտ մայում է երկինք: Կեսօրին արդեն երկինքը ծոցվորում է, մեր կատուն երեսն է լվանում (ուրեմն՝ անձրև է գալու), հայրս գլուխկախ ետ ու առաջ է անում՝ առվի ափն ու տան դուռը, առվի ափն ու ետ...

- Անձրև է գալու,- ասում եմ մորս:

- Կարող է. ամպեր հնացած է...

Հարցական մայում եմ,

- Ամպերը ինչպե՞ս են հնացել, մա:

- Հնացած է, բա ի՞նչ է եղած, ամպ կերևա երկինք, էդ անիծվածներ թուփեր կկապին՝ չեն թողնի դատարկվի: Ամպեր կմնա՞ն, կհնանան:

Մորս ակնարկած «թուփերը» կարկուտի դեմ պայքարող հրանոթներն են:

Երկինքը սկսում է կաթկթալ, մի երկու հուռթի անձրևակաթ թշշում են կողքիս:

- Սկսվեց,- ավերս մեկնում եմ առաջ:

- Բո՛ւմ... Բո՛ւմ...

Հրանոթները խփում են ամպերին, չգիտեմ ով, չգիտեմ որտեղից նկատել է, որ ամպերը կարկտաբեր են՝ կրակելու հրահանգ է տվել, և երկինքը որոտալու փոխարեն հրանոթներն են որոտում.

- Բո՛ւմ-բո՛ւմ... Բո՛ւմ...

Ես գիտեմ այդ կարգադրողների ու կրակողների նպատակը՝ փրկել, կարկուտից պահել շրջանի ցածրադիր գոտու նորաստեղծ սովխոզների այգիները, թե կարկուտ է՝ թող սարերում թափվի, սարերում ծվարած գյուղերի գլխին, ասենք՝ Աշնակի, Կաթնաղբյուրի, Եղնիկի, Կարմրաշենի,

Շղարշիկի, Իրինդի, Դավթաշենի, Վերին Սասնաշենի, Ներքին Սասնաշենի... մեկ է, որ նրանց արտերը սար ու ձորերում կուտ գնացած հաց են, տնամերձերը... դե, տնամերձ հողերը տնամերձ են...

- Բո՛ւմ... Բո՛ւմ...

- Էդ անիծվածի ձեն լսել չեմ ուզի,- ասում է մայրս և շտապում տուն:

Յետո... Մի բանի րուպե հետո գյուղի Լճ ծայրից մի պտտահողմ է ծայր առնում, վիշապատիպ գալարում մի պտտահողմ է կանգնում պոչին, գյուղի Լճ ծայրից պատահած տուն ու տնամերձ խառնելով հասնում է մեր դուռը, ծառի տակից խլում տնամերձից հավաքած հորս այդ տարվա խոտը, ծառը արմատահան անում, անցնում՝ դպրոցի պատուհանները ջարդրտում, անցնում՝ առնում Սարոյի բարդոցը, նոր կառուցած տան թիթեղապատ տանիքի կեսը կտրում, բետոնապատ ծխնելույզն էլ հետը, և իջնում ձորը: Երեխաները վազում են պտտահողմի ետևից, աղմկում, ծիծաղում, հայիոյում, լաց լինում՝ երկնքում ճղճղացող հավուճվի համար, երեխաները պտտահողմի հետքից խոտերն ու ճյուղերն են խլխլում, վիճում պոլդածվիգ՝ հավուճվի համար և վազում պտտահողմի ետևից:

Յետո հանկարծակի բռնկված աղմուկն ու ճիչը լուծվում է կեսօրվա տոթի մեջ, ամպերը քաշվում են Վերին Սասնաշենի վերևի սարերը, խտանում և այնտեղ ամենի գիզգազում է կայծակը:

Չայրս սուսուփուս անցնում է կշտովս, մտնում տուն, առանց հանվելու մտնում անկողին և քողոջ աղջկան խնդրում.

- Ծածկե գիս, Գայան, դող կգա վրես...

Իջնում են գյուղամեջ: Պտտահողմի արծագանք-գրույցն է. ամպերի վրա կրակողներին են հայիոյում, ամպերի վրա կրակողներին պաշտպանում են, փորձում գիտական, ճիշտ գիտական բացատրություն տալ պտտահողմի ծագմանը (ընդհանրապես): Լուրը հասել է շրջկենտրոն: Փոստում հեռախոսը իրար ետևից գնում է՝ շրջանում ծառայող համագյուղացիներն են,- հո մարդու վնաս չի՞ պատահել,- հեռախոսավարուհին իրար ետևից պատասխանում է,- չէ՛, չէ՛:- Համագյուղացի, շրջանի գյուղտեսնիկայի կառավարիչ Փիլոս Հախոյանը «Վիլիսով» հասնում է գրուցատեղ.

- Մարդու բան չի՞ պատահել:

- Չէ՛- պատասխանում են խմբով:

- Ասատրյանի կտուրը վերցրել-գցել է մի կողմ,- հայտնում են ամենամեծ վնասը:

- Ասատրյանի՞,- լայն ժպտում է Փիլոսը և աչքով անում,- էդ ոչինչ:- Ասատրյանը կոլտնտեսության նախագահն է:

- Սարոյի կտուրի կեսը պոկել-տարել է:

- Էդ մեկը լավ չի արել:

Եվ իրար լրացնելով ամբողջացնում են պտտահողմի պատկերը, կատակի տալիս, ծիծաղում երկինք բարձրացած խրճերի, ծառուճյուղի, հա-

¹ Պոլդածվիգ - վիզը կտրված:

վուճվի, երկնքից մլավող կատվի համար: Վերջը՝ գյուղի համար կարգին նորություն:

Սասնաշենի կողմը դեռ ճայթում են քշված, իրար գլխի հավաքված ամպերը: Տեսնես ո՞ր գյուղերի վրա են դատարկվում՝ անձրև՞ է, թե՞ կարկուտ: Հախոյանի հետ որոշում ենք՝ գնա՞նք պարզենք, և այնպես գործնական ենք նստում «Վիլիսը», կարծես թե շտապում ենք մեկին, մի կարևոր բան կռվով փրկելու: Բայց երկուսիս ենթագիտակցության մեջ էլ նույն բանն է՝ անձրև տեսնելու ցանկությունը: Անձրևին կարոտել ենք:

Դարի վրա, ճամփից դուրս, ձին նույն դիրքով կանգնած է և հասկանում ես, որ նա մոռացել է իր տեղն ու հոյությունը:

«Լացս զսպեմ ու ձեր... ցավը տանեմ, ձիեր...» Այս անգամ բարձրաձայն եմ ասում, և Փիլոսը խոսքն առնում է ինձնից ու հա՛ կրկնում և գնալով մեքենան թափ է առնում և ծնվում է մի տրամադրություն՝ տաք, անհամգիստ, եփվող, պահի մեջ կարող ենք սեր խոստանալ, կարող ենք կռիվ հայտարարել, կարող ենք մեքենան տանել և շրջադարձից թռչել Դավթաշենի ծովը:

Դավթաշենում ոչ անձրև է եկել, ոչ կարկուտ: Հետո ասֆալտին անձրևակաթերի բծեր են երևում, գետնին հասնելուն պես անձրևը ցնդել է: Գնալով աստղաձև փշրված անձրևացանները շատանում են և... Հանկարծ Փիլոսը զարմանքից արգելակում է մեքենան:

Վերին Սասնաշենի կողմից պոկված գալիս է խստերախ մի ջրհեղեղ: Հեղեղը խանձված սարի գույնն ունի, որտեղից իջնում է գալարվելով: Ջարմամալի է, քիչ այն կողմ զարման հեղեղների հունն է, իսկ սա այդ հունը թողած նոր ճամփով է իջնում. ի՞նչ իմանաս, հալածական ամպերից ինչ-քա՞նն է մեկեն դատարկվել մի քարի վրա, որ աշխարհի անձրևն ու կարկուտը տեսած այդ քարեղեն սարերում նոր-նոր հեղեղահուն է բացվում: Եվ սարի ճակատից իջնում է՝ քարեր գլորորտելով, ջրվեժելով, ծայրը հասնում է լեռնատակի ցորենի հասուն արտին, և արտի ճոթից փոշի է բարձրանում: Սարի ճակատը փորվում է. երևում է, որ խոր սպի է կանգնելու այդ կարծր լեռան ճակատին, ցածրաճ հասկերի տագնապը ավելանում է, արտում ծավալվում է փոշին և դեղինի վրա ավելանում է երակ-երակ սևը: Հետո այդ սև գալարները ձորափին միանում են և քարափի գլխից թռչում ձորը: Պղտոր ջրաթերթերում հողի գույձեր կան, պայթում են և ջրվեժող քարափի գլխին փոշու ամպ է կապվել: Հեղեղի մի ճյուղը Ներքին Սասնաշենի դուրանը երիզող ձորով է գալիս, կամրջի մոտ պոռթում է, ծանր ալիքներ է չափոտում, և ասֆալտի վրա տիղմ է նստել: Իսկ ամենաավերիչը Ներքին Սասնաշենի դուրանի վրա քշողն է: Այս դուրանը միշտ ինձ հիշեցրել է Ուլանի դիմացի հարթավայրը, ճիշտ է՝ սա նրանից փոքր է, շատ պակաս է, բայց այս կողմերում, այս գորշ, ալիքավոր սարերի ու հազար տեղ թրատող ձորերի մեջ ճմռված արտերի կողքին այս դուրանը լայն ժպիտի պես մի բան է: Սասնաշենցիները այստեղ ծխախոտ են աճեցնում, ցորեն ու խոտ են ցանում, փորձում են պտղատու ծառեր աճեցնել: Սասնաշենցիներ-

որ ահագին վերևում են նստած, բայց հողի գլխին շինություններ են հիմ-
նել, չորանոց, պահակատուն: Հիմա հեղեղը օրը ցերեկով ավերում է այս
լեռների ժպիտը... քանդում է ծխախոտի դաշտը, բույսերն առած քշում-
կտրում է ասֆալտը, անցնում, ցորենի հասուն արտը լայն շերտով ծայրից
ծայր տափանում է ու միանում դուրանը երիզող ձորի հեղեղատին... Անց-
նող-դարձող ավտոները ծնկահար հեղեղատը կտրում են զգույշ և, չգիտես
ինչու, ազդանշան են տալիս: Մենք գայրաճում ենք, կռվարար մայում վա-
րորդներին: Նրանց՝ այդ վարորդ-ուղևորների անտարբերությամբ, սաս-
նաշենցիների այդ ավերվող դուրանը շատ էր մերը, դառնում էր միայն
Փիլոսինն ու իմը, հեղեղի հետ քշվող-տարվող, դեպի Արաքս գնացող այդ
լեռների հողը միայն մերն էր, Փիլոսինն ու իմը:

- Էսքան անծրև թե արդար բաշխվե՞ր,- վերջապես ասում է Փիլոսը:

Այնուհետև մինչև Աշտարակ ու դեմը նոսր անծրևացան է, հալածված,
չաղ եկած անպերը նո՞ր-նոր հավաքվում են և, ով գիտե, թե ուրիշ ինչ է լի-
նելու: Ճամփեզրին տժժան արտերից վեր՝ կուտակ-կուտակ լեռներում
փռվել ու արածում են քարերի հոտերը: Թվում է, թե քարերի այդ գորշ հո-
տերը, բոլորը, գլուխներն արել են դեպի գյուղերը, կամակոր, ոչխարավա-
րի քշում են կանաչ գյուղերի վրա: Էն էլ, է՛, Մուրոյի հոտն է... Երևում է Լեռ-
նարոտը՝ սարի ուսին, բարակ երկնքի տակ մլարած: Նախկին Մաղդան է,
Բակունցի Մուրոյի գյուղը:

**«Հովվի հագին տեղական, թևերը կտրած «փոթ» էր, մորթը դեպի դուրս:
Պայուսակը ցնցվում էր, երբ նա քարից քար էր թռչում...»**

- Մուրո, կարդալ գիտե՞ս...

- Ուստի՞ց:

**... Մուրոն գյուղի հովիվն էր: Գյուղում մի «թուխ» ունի, որի դուռը դեռ
չի կախել: Բնում է ոչխարատիրոջ տանը՝ հերթով: Ոչ ոք չունի: Սասունում
էլ որք է եղել...**

- Մուրո, դու Լեռինի անունը լսած կա՞ս...

- Դրա իմալ... Ես Լեռինի գրույց լե գիտեմ...»:

- Ես Լեռնարոտի Արմենակին ճանաչո՞ւմ ես,- հիշում և հարցնում են Փի-
լոսին:

- Ի՞նչ Արմենակ:

- Էն որ պոլիտեխնիկ ինստիտուտում դասախոս է:

- Շատ լավ գիտեմ:

- Երեք տարով Ալժիր է գնալու:

- Ինչո՞ւ:

- Պայմանագրով՝ Ալժիրի համալսարանում դասախոսելու:

Լեռնարոտից դեն, որ չեն երևում, Սասունիկն է, Ավանը, Բյուրականին
դեմ դիմաց, ձորի մյուս ափին՝ Օրգովը, իրենց ալիքվող, չորսդին ճոթ տվող
լեռներով, լեռներում հավերժորեն արածող իրենց քարե հոտերով: Մուրոն,
ասում են, այդ սարերից իջել, գնացել է Պռոշյան սովխոզ, այգեգործ դառ-
նալու և չգիտեմ Մուրոյի արձակած հոտը հիմա ով է խառնում որձաքարե

հոտերին ու ջուկելուն:

- Լավ հասցրեցին, չէ՞,- Փիլոսը գլխի շարժումով ակնարկում է Արզնի-Շամիրամ ջրանցքի երկրորդ հերթի մայրուղին՝ լեռները գոտևորելով, դարձեղարձ ձգվում է:

- Էս վերին գյուղերի ձեռքերը էս ջրանցքին էլ չհասավ, խեղճերը հազիվ ուտքները թրջեցին:

- Չի էլ հասնի, դրանց ձեռքերը կարճ են,- Փիլոսը ծիծաղում է և լրջանում,- դրանց տերը Արագածի ամպերն են:

- Հասնում ենք մինչև Պոռշյան սովխոգի վերելքը, կանգնում ճամփից դուրս, բարձունքին: Ետկեսօրյա տոթը թավալվում է Արարատյան դաշտում, և շեներն ու այգիները ծրարված են խամրած քողով: Այնտեղից էլ հիմա Արագածի կողմն են մայում: Ասֆալտի երկու կողմերում Աշտարակի նորաշեն սովխոգների խաղողի ու պտուղի այգիներն են՝ մուգ կանաչ: Երաշտը Արա լեռից սողեսող իջել-շոջապատել է այգիները, դարանակալել վազերի ու ծառերի բների մոտ և սպասում է, որ մարդիկ սխալվեն՝ ուտքները դուրս դնեն այգիներից, ջուրը սակավ է, և մարդկանց շունչն է պահում այգիների կանաչը, մի կաթիլ քրտինքը մի օրվա կյանք է դառնում:

«Չքնեք»,- անկախ ինձանից շշնջում են և գլխի չեն ընկնում՝ բառը ծառերի՞ն է վերաբերում, վազերի՞ն, թե՞ մարդկանց: Հետո մայում են Պոռշյան ավանին: Հանդարտ, մի տեսակ վստահեցնող խաղաղություն ունի: Սովխոգի դիրեկտոր Վանիկ Տելեմաքյանին ուսանող ժամանակվանից գիտեն: Բանաստեղծություններ էր գրում: Մի շաբաթ առաջ Երևանի հիվանդանոցում հանդիպեցի: Ասում էր,- հիմա բանաստեղծություն կարդալու ժամանակ էլ չունեն:- Գանգատվում էր,- ա՛յ տղա, էս բժիշկները հարյուր հիվանդություն են կպցրել, իրենց որ լսեն հա՛ կպառկեն: Բայց էգուց փախչելու են, այգիները հիմա չորացան:

«Չպառկես, Վանիկ,- մտքումս կրքոտ խրախուսում են,- չքնես»:

Վերադառնում ենք գյուղ: Հեղեղի մասին գիտեն մի բան էլ ավելի:

- Սասնաշենցիներից երկու հարյուր քսան ոչխար է քշել: Իմանում են անվանական՝ ունից քանի ոչխար է տարել հեղեղը:

- Մեր փոթորիկը փառք էր,- մխիթարվում են:

* * *

Իրիկնապահ է: Արևմուտքում ամպերի կարմիր բարդոցները դիզվել են: Է՛ն կարմիր բարդոցի տակ գոնե մի գիրկ ամպ լինե՛ր՝ երեսը լվացող կատվի տեսքով, որ ասեինք՝ հա, անձրև է գալու: Պտտահողմի արմատախիլ արած մեր սալորենին հայրս նորից կանգնեցրել-տնկել է, աղբյուրից դուլլեքով ջուր են բերել, լցրել բնին (փաստորեն շահեց) և հայրս փուշուփալախ է հավաքում, ծածկում ծառի բունը, որ արևը խոնավությունը չգողանա:

Մեր հարևան Հրամսը դադարաբայլ գալիս է, բարևում ու ժպտում՝ բարի, մի տեսակ, ամաչկոտ: Եթե չխոսես, կկանգնի մի քիչ, կժպտա, կժպտա, գլուխը կկախի կժպտա ու կգնա: Բա ի՞նչ ասի, այդ ժպտը նրա բաց, ան-

կեղծ գրույցն է: Հրանտի անխոսք, ծայրից ծայր հասկանալի այդ գրույցը չեն փոխի հազար անգամ մշակված, ճկուն կատվի պես միշտ թաթերին կանգնող հազար բառ ու խոսքի հետ:

- Որտեղի՞ց, Հրանտ:

- Կանալից:

«Կանալը» Թալինի երկրորդ հերթի ջրանցքն է: Սրա սկիզբը, է՛, մեր գյուղից քսան-քսանհինգ կիլոմետր հեռու է, ցածում, Քարակերտ ավանի այգիների մոտ, բարձունքի վրա սկիզբը... Ես ի՞նչ եմ ասում, սկիզբը ո՞րն է, մեր ջրանցքների սկիզբն ու վերջը ո՞րն է: Պատերազմից առաջ Հրանտի Մուշեղ հայրը գյուղի կալն ու կութը ավարտելուց հետո անկողինը շալակած իջնում էր Ախուրյանի ափը, ջրանցքը փորելու: Այն ժամանակ առաջին ու երկրորդ հերթ չկար: Թալինի ջրանցքն էին փորում՝ լինգ ու քլունգով, և գյուղերը հացբաղի ժամանակ էլ ջրանցքափորներ էին տալիս, և պատերազմի ամռանը Հրանտի հայրը անկողինը շալակած եկավ («Հայ, որտեղի՞ց» «Կանալից»: «Քա ո՞ւր ես գնում»: «Պատերազմ»), հովիվ ու ճամփորդների հարցուփորձին պատասխանելով, դռերով հասավ գյուղ, անկողինը շալակից վար դրեց ու գնաց պատերազմ: Ու գնաց... Ջրանցքափոր բոլոր այրերը հերթով անկողինները շալակած Ախուրյանի ափից բարձրացան սարի գյուղերը՝ գնացին կռիվ, սարի գյուղերի կանայք, ծերունիներն ու տղա երեխեքը անկողինները շալակած իջան Ախուրյանի ափ-սահմանը: Պատերազմի հետ ջրանցքը քաշքշվեց, պատերազմից հետո հերթը Հրանտին հասավ, երեխա տղա էր, տան տղամարդ, գյուղում քարակույտերով արտերի տեր էր, վարում՝ կիսատ ջրանցքի: Ու երբ մայրուղին Ախուրյանի ափից սար ու ձորերի միջով հասավ, է՛, Հոկտեմբերյան, աջ ու ձախ չափեց իր կանաչ սահմանները, երևաց, որ ջրանցքի հետ «լույս աշխարհ» եկած Արագած, Արտենի, Քարակերտ, Դալարիկ շենքերից ու նրանց այգիներից դենը, դեպի Արաքս, ահագին դռեր կան, էլի մի հինգ-վեց ավան կտեղավորվի: Ջուր: Ուրեմն՝ Թալինի ջրանցքի երկրորդ հերթ, ուրեմն՝ սա առաջինն էր, ես առաջինի մայրուղու վրա պետք է դնել «երկրորդ հարկ»։ Ախուրյանից մինչև Քարակերտ մայրուղու թևերը կրկնակի բարձրացնել, Քարակերտին մոտիկ բարձունքից սկսել նոր մայրուղի, պորտալարի պես փաթաթել լեռներին, չգիտեմ ինչպես քաշել ու գնալ դեպի Արաքս: Էդ հեջ. էդ «երկրորդ հարկի» դնելն ու մայրուղու բացելը հեջ, ազնիվ խոսք՝ հաշվենք եղած, թե ուրիշ մեկն էլ չկա՝ թողեք մեր հարևան Հրանտին: Կանի: Կարևորը Ախուրյանի ջրամբարի կառուցումն է: Դե, Ախուրյանը սահմանամերձ գետ է: Սահմանային գետերը կիսրար են լինում: Հիմա որ Ախուրյանի դենը պատնեշ դրվի, ջուրը ափերից դուրս գա, սահման, բան չի հարցնի՝ աջ ու ձախ կքշի, կգնա: Չախակողմի հարցը համզգիստ է, մենք ենք, մեր սահմանը: Մի քանի գյո՞ղ է հարկավոր տեղահանել, խարխուլ, կավածեփ խրճիթներով մի քանի գյո՞ղ... մի օրվա գործ է: Դժվարը աջակողմի սահմանամերձ թուրքական գյուղերի հարցն է: Գողիաթ շինություններով գյուղեր են: Տեսար, տեսար... ասացին՝ մեր նոր տները պատրաստ չեն, մեզ էլ,

եթե ուզում եք ծիշտն իմանալ, ջուր պետք չէ: Զամբերեք, հլա տեսնենք: Թե չէ էն «երկրորդ հարկի» դնելն ու երկրորդ մայրուղու բացելը եղած բան է:

- Զրանտ, հիմա որտե՞ղ եք հասել:

- Է՛,- Զրանտը շրջվում, ձեռքը մեկնում է Քարակերտի կողմ: Քարակերտից շատ ենք էն կողմ գնացել:

- Զրանտ, դու հիմնակա՞ն բանվոր ես ձևակերպված:

- Դե... ինչպե՞ս ասեմ,- ժպտում է ու մայրում ոտնամաններին,- հիմնական եմ, բա ի՞նչ եմ.... Բայց սելավների ժամանակ կոլխոզին ջուր-մուր անել է, բան է, կոզներնք,- հայացքը պտտեցնում է գյուղից դուրս,- ըի՛ր, ի՞նչ կա, չոր, մի քանի կտոր արտ է, սաղ մնան տրակտորները,- նորից խոնարհ ժպտում է,- կոզներնք, կոլխոզին էլ կոզներնք... Մեր գյուղն է, չէ՞:

- Իսկ մեր գյուղից ջրանցքում աշխատողները շա՞տ են:

- Կան: Բոլոր գեղերից էլ կան: Առավոտ բանվորական ավտոներ կգան, էս մեր գեղերից հերթով,- ձեռքը կիսաշրջան է գծում՝ ցույց տալիս երևացող ու չերևացող հարևան գյուղերը,- կհավաքեն բանվորներ, կիջնեն ցած:

Առավոտյան իջնում են՝ փորում, բետոնապատում ջրանցքի հունը, երեկոյան բարձրանում՝ նստում իրենց քարերին:

- Փոշին է շատ, փոշին, դռ է, չէ՞, ըի՛ր,- հայացքով ցույց է տալիս զգեստ ու կոշիկներին նստած կարմրավուն փոշին, ժպտալով բացում է կուրծքը,- ամեն իրիկուն չլողանամ, տեղաշոր մտնել չի եղնի... Ջուր է դրե,- գլխով ակնարկում է դռանը կանգնած կնոջը: Տունը նորաշեն է, պատշգամբով, հատակապատ, ճերմակ տանիքով, կարծես թե բավարար է, բայց Զրանտը երկրորդ հարկ դնելու միտք ունի:

- Զրանտ, մեր սովխոզներում էս տարի լավ բերք կա՞:

- Ասում են՝ շատ լավ է... Եսիմ... Մեզ ո՞վ կթողնի մտներք այգիներ:- Զի բողոքում, չի զանգատվում, պարզապես պատասխանում է հարցիս, ասում է անքեն, բարի ժպիտը մաղելով չոր առվում: Իսկ ես բողոքում եմ:

- Ինչպե՞ս թե՛ ով կթողնի, մինչև եղ այգիներն ու բերքը ջրանցքի վրա աշխատել ես, ավանների շենք ու շինություններին աշխատել ես, խուպանը մշակելուն մասնակցել, տնկումներին մասնակցել, հիմա էլ ամենածանր աշխատանքը այգեթաղն է՝ ամեն աշնան մասնակցում ես,- Զրանտի տեղակ ես եմ վիրավորվել,- ո՞նց չեն թողնում,- ես եմ բորբոքվել, իսկ նա շատ խաղաղ է և գլուխը կախ ժպտում է:

- Էն մի ծուծ խաղողն էլ չենք ուտի, մեզ պետք չի.- խոսում է հոգնակի, ընկերների՝ ամեն աշնան, ձմեռնամուտին սովխոզներն այգեթաղի իջնող համադյուղացիներին մերձեցնում է իրեն ու վանում անձնական վիրավորանքը,- այգեթաղից հետո ամեն ամեն մեկիս, մեր փողով, մի կես-կես տոննա խոտ տան, շա՛տ շնորհակալ ենք: Անցյալ տարի տվեցին, էս տարի՝ տեսնենք:

- Զուռռի՛, հուռռի՛...

Զրանտի երեխաները շենից պոկվում-վազում են. թաղի հոտը արևապ-

տից առաջ գյուղ է մտել, ճամփեքով ճոթ է տալիս, Յրանտի ու մեր ոչխարները տների ճամփեքը թողած, ցանկապատերից թռել-մտել են տնամերձերը, արածում են փութով ու տագնապով: Ոչխար են, բայց գիտեն, որ իրենց արածը անկարգություն է, չի կարելի՝ հիմա կհասնեն, կխփեն դնչներին:

- Յուռո՞րի... Յրանտն էլ է վազում:

Նորից են հիշում լքված ծիւն, հայացքով որոնում են: Ճամփից դուրս հրած քարի պես, կենում է: «Էս գիշեր Արագածի «Լուսո կանթեղը» կերևա այս հուսահատ ծիւն, և նա կգնա դեպի Արագածը», - մտածում են և էլի դառնում ետ է գալիս կեսօրվա իմ գտածը.

**«Էս ձեզ այդ վիճակից ինչպե՞ս հանեն, ձիեր,
Լացս զսպեն ու ձեր... ցավը տանեն, ձիեր...»:**

Յրանտի բակում երեխաները խառնվում են իրար, աղմկում են, աղջնակը միանգամից լաց է լինում, եղբայրը ծայնակցում է, մայրը բամփում է երեխեքին, Յրանտը ոտքը շենից ներս է գցում ու շփոթված դառնում ետ:

- Ի՞նչ է պատահել, Յրանտ:

- Դանակ չունե՞ս:

- Ի՞նչ է պատահել:

- Ոչխարն է կսատկի:

Երեխաները շրջապատել են լարխված ոչխարին, երեխեքը ճմճմում են, բռնեցքներով տորոում աչքերը:

- Խնելառ խոտ է կերել,- բացատրում է Յրանտը,- դանակ չունե՞ս, մերը սեղանի դանակ է,- այսինքն նրանցից, որ Նոր տարու օրը կինը պատառաքողների հետ կապոցով բերում-դնում է սեղանին, հաջորդ օրը հավաքում-պահում:

- Մա, դանակ չունե՞նք:

Մայրս երկրորդ հարկի պատշգամբում կանգնած աշուվաշ է անում. Յրանտի ոչխարը սատկում է:

- Չէ, գառ, մերը սեղանի դանակ է:

- Երեխե՞ք,- գոռում է Յրանտը,- վազեք գեղի մեջ: Շո՛ւտ,- և դառնում է կնոջ,- ի՞նչ ես կանգնել, դանակ բեր:

- Սեղանի դանակով ոչխա՞ր կմորթվի,- նեղսրտած պատասխանում է կինը,- մի հատ դանակ ի՞նչ է, չես առնի-գցի տունը:

- Բեր, բեր,- խեղճացած ժպտում է Յրանտը, բայց իսկական դանակ ճարելու հույսը չի կտրում, և դառնում է մյուս հարևանի տան կողմ:

- Յովա՛կ...

Յովակի տղան երկրորդ հարկի պատշգամբից անմիջապես պատասխանում է:

- Չկա՛,

- Յամո-Յամո՛ո...

Յամոյի երկհարկանի տունը մի քիչ հեռու է, բայց կինը դռանը կանգնած է և արդեն գիտի՝ ոչխարը սատկում է, դանակ է պետք:

- Չկա, Յրանտ, չկա՛, սեղանի դանակ է, սեղանի՛,- պատասխանը գալիս է:

Յրանտը սեղանի դանակը քսում է պատերին, նայում ոչխարի կողմ (դեռ կղիմանա), աչք գցում երեխաների ճամփին և հույսը չի կտրում:

- Ազա՛տ...

- Յուսեի՛ն,- գոռում են ես, և Յրանտը զարմացած ժպտում է ինձ. մեր գյուղում, մեր թաղում Յուսեին անունով մարդ չկա:

Պատերազմի ժամանակ մեր գյուղերում մի մարդ հայտնվեց, ասաց՝ ես էս գյուղի նախկին բնակիչն եմ, էս էլ իմ տունն է, որ հիմա էսինչ մարդը նստել է: «Էս մարդու խոսք ճիշտ է», - հաստատեցին գյուղի մեծերը: Ասաց՝ էս ձեր հարևան բոլոր գյուղերում իմ ազգ ու բարեկամներն էին նստած: «Ճիշտ է,- հաստատեցին մեր գյուղի մեծերը,- թիվ քսանին մենք էկանք, էս մարդիկ ասեցին՝ իրար հետ ապրենք, չհամաձայնեցինք, չէր էղնի: Մենք օսմանցու կողմից զարկված, քշված հայ, էս մարդիկ՝ օսմանցի, չէր էղնի: Ասինք, էն է, է՛, մեր էրգիր ու տուն ձեզ համար խլեցին՝ գնացեք, նստեք: Մարդիկ ելան-գնացին, կռիվ էլ չեղավ, եղած-չեղած երկու-երեք թվանքի կրակոց էր»: Յետո Յուսեինը մնաց մեր գյուղում, մեր գյուղի հովիվը պատերազմ էր գնացել, Յուսեինը դարձավ հովիվ: Գոտուց կախ մի մեծ չախու ուներ, ամեն գրպանում մի «Գրիգոր» դանակ: Ձու էինք գողանում, տալիս Յուսեինին, նա մեզ դանակ էր տրամադրում, որ մենք պատրաստենք մեր փայտե ատրճանակները: Ափսոս, շուտ գնաց, որտեղից որտեղ հորինվեց, թե Յուսեինը հովիվ չէ, այլ լրտես, մեծերը սկսեցին կասկածանքով նայել, երեխեքով ետևից վանկարկում էին՝ լըր-տե՛ս, լըր-տե՛ս, և խեղճ մարդը թողեց-գնաց, ու մենք մնացինք առանց դանակի. էլ փայտե ատրճանակներ չէինք պատրաստում: Իզուր խրտմացրին Յուսեինին: Եվ ընդհանրապես, հայրս, հորս ընկերները ժամանակին իզուր չեն համաձայնել՝ Յուսեինի ու նրա ազգականների հետ կողք կողքի ապրել, հիմա մեր գյուղում էլ չորս-հինգ հերոսուհի մայր կլինեն, Աշնակում էլ, Դավթաշենում էլ, Վերին ու Ներքին Սասնաշեններում էլ և Արագածի չորսբուրդը հիմա շատ հոտեր կլինեն և վրաններ, մինչև անգամ՝ Արագածի կատարների, ձյունների վրա: Եվ, վերջապես, Յրանտը սեղանի դանակով ոչխար չէր մորթի:

2

Գիտնականներն ընդհանրապես հետաքրքիր մարդիկ են... Կպել են Արագածին, է՛ ինչքան ժամանակ է Արագածից պոկ չեն գալիս, թե ե՞րբ են ծնվել, ինչպե՞ս են ծնվել, քո հերն ու մերը ովքե՞ր են, ասա՛՝ դու հրաբխածին ես, հա՛, հանգած հրաբու՛խ ես, թե՛ ծնվել ես երկրակեղևի ծալքավորումից՝ քեզ էդքան վեր բարձրացնողը գրանիտային մագմա՞ն է, հա՞, մագմա՞ն: (Տեսնես մագման ի՞նչ է, որ Արագածի մարմինը էդ մագմայից պետք է լինի):

Եվ եթե դու հրաբխածին ես, հարցնում են, քո փեշի աջակողմյան էն Ար-

տենի լեռը, ծախակողմի Արան քեզ հե՞տ են ծնվել, քո հասակակից հրաբխածիններն են, ասա... Իսկ Արագածը լռում է ու իր ամպե ժպիտով խառնում գիտնականների հաշիվները: Եթե լռում է՝ այստեղ մի բան կա, և ես էլ իմը կասեմ: Արագածը ո՛չ հրաբուխ է, ո՛չ մագմա, ո՛չ հրաբխածին է, ո՛չ երկրակեղևի ծալք ու մալք, Արագածը ծնվել է Հայկի հետ: Հայկի հայրենակիցն է, հայարյուն ամենե ու անբուն պապ՝ թիկն տված ամպերին, ոտքերը կախած Արաքսի մեջ, իսկ փեշի՝ Արտենի ու Արա լեռները նրա աջ ու ձախ բռունցքներն են, գաղտնապահ բռերը... Միքայել Նալբանդյանը Պետրոպավլովյան զննանում նստած ուշք ու մտքով հասել էր Արագածի ամպերը, ամպերի պես ազատ թափառում էր լեռներում, խորհրդածություններ անում՝ տեսնես ի՞նչ գաղտնիքներ ունի Արագածը, ե՞րբ է բացվելու և ով պետք է արևին տա: «Այն ժամանակ կմնա ոչ միայն շնորհակալ լինել նորանից, այլ պարծենալ նորանով Եվրոպայի առաջ»:

- Մարգարյանը տեղո՞ւմ է:

Մարգարյանը Արագածի պեռլիտի գործարանի դիրեկտոր Աղաջանն է. Թալինի շրջանում անունով է ամենաճանաչ: Միջահասակ, միհար մարդ է, անհանգիստ ու շատ արագաշարժ և, չգիտես ում խելքն է փչել, վերցրել ու կպցրել է՝ «Արագածի փոթորիկ»:

- Այո, տեղում է,- պատասխանում է քարտուղարուհին,- բայց զբաղված է:- Եվ զգում է, որ ես, այնուամենայնիվ, ներս մտնելու փորձ կանեմ, գալիս կանգնում է դիմացս և զգուշացնում,- Իտալիայից և Բելգիայից հյուրեր ունի:

- Ավելի լավ,- ուրախանում են և փորձում կատակով համոզել,- ինձ էլ հենց դա է պետք:

- Ոչ, ո՛չ, չի կարելի, հասկանում եք, կարևոր խորհրդակցություն է:

- Ձեզ ասեմ, որ Աղաջանը իմ ազգակիցն է, ձեր գլխավոր ինժեներ Ղազար Մելքոնյանը իմ ընկերն է, և, եթե ուզում եք ճիշտն իմանալ, իտալացիների հետ էլ ծանոթ եմ:

- Որտեղի՞ց եք ծանոթ,- կասկածում է:

- Անցյալ տարի, երբ իտալացիներն Աղաջանին հրավիրեցին, Աղաջանն էլ ինձ հրավիրեց, և միասին գնացինք Իտալիա,- հորինում են:

- Յա՛, ընկեր Մարգարյանին ճանապարհելուց ես էլ եմ եղել, դուք չկայիք,- ջահել աղջիկ է, հե՛չ մտքով էլ չի անցնում, որ իրենց դիրեկտորը ինձ Իտալիա հրավիրելու իրավունք չունի,- ընկեր Մարգարյանը մենակ գնաց:

Դե եկ ու ես ջահել աղջկան բացատրիր, հասկացրու, թե գիտե՞ս՝ ճիշտն ասած, ուրախ եմ, որ չես թողնում այս կաշեպատ դռնից ներս մտնեմ, թող եվրոպացիները (որ երեկ նստած սպասում էին, թե մեր լեռներում երբ է մարելու վերջին, ամենավերջին շունչը) վեր կենան, կտրեն ջուր ու ցամաք, հասնեն թալինցիների ոտքը, թող ես ետ դառնամ առանց քո դիրեկտորին տեսնելու: Բայց և առիթ էր. հետաքրքիր կլիներ լսել, թե գաղթական Մխիկի որդին, Արագածի աջ բուռ-Արտենի սարի գաղտնիքին տեր դարձած Աղաջան Մարգարյանը ի՞նչ լեզվով է խոսում, ի՞նչ է խոսում էդ եվրոպացի-

ների հետ, նրանց, որ ի սեր պեռլիտի Աղաջան Մարգարյանին տարին մեկ իրենց երկիրն են հրավիրում, սիրտը շահելու համար խոնարհվում, բանկետներ են տալիս: Դե՛յ գիտի, հա՛, լիներ ու հիմա Աղաջանը զայրամար, ասեր՝ հերիք է չարչիություն անեք, ես ձեզ լավ եմ ճանաչում, ելեք գնացեք, ես ձեզ պեռլիտ չեմ տա: Վերջ:

- Ուրիշ ովքե՞ր կան:

- Մոսկվայից կան, Երևանից, Թալինից:

Դուրս եմ գալիս: Գրասենյակից քիչ հեռու պեռլիտի կուտակն է, ամռան արևը խուլ բզզում է և թվում է, թե այդ շեկ կուտակն ու հանքանյութի մեծ ու փոքր կտորները տոթից են ծանրացել և աղացող մեքենաների աղմուկն ու հանքանյութի փոշին է ծանր, կարկամած: Արտենի լեռան գորշ փեշին սպիտակին է տալիս պեռլիտի հանքը, դեպի ճերմակը ձգված ասֆալտե ճամփան հալվել, փայլվում է: Ժպտում եմ ճերմակ հանքին և նորից հորինում, թե Արտենի լեռը Արագածի աջ բռունցքն է, գաղտնապահ բուռը՝ բացել են և հիմա պեռլիտի ճերմակ հանքը կիսախուփ ափի մեջ պահված հայելի է, փայլվող ասֆալտը՝ այդ հայելուց դեպի Արագած ավանը ձգվող լույսի շողք, ընդ՝, գալի՛ս, գրասենյակի բակով անցնում, կտրում է ճամփան ու մտնում ավանը: Ճիշտն ասած, Արագած շենին ավան կոչելը այնքան էլ չի վայելում. Ղարսը, որ, է՛, պատմական քաղաք է, հիմա-հիմա էլ քաղաքագլուխ ու ոստիկանապետ ունի, երջանիկ ականատեսներն ասում են՝ Արագածի համեմատությամբ՝ հե՛չ: Այնքանով են նման Ղարսն ու Արագածը, որ երկուսի շինությունները նույն տուֆից են, երկուսն էլ Ախուրյան գետին սահմանամերձ՝ մեկը աջից, մյուսը՝ ձախից: Կանգնածս տեղից դեպի վար, մի պռատ հորիզոն կանաչ է. դա Արագածի՝ այգեգործական սովխոզի այգիներն են՝ լուռ, մտածկոտ, հետո հայացքիս դեմ ցցվում է Արաքս գետի ձախակողմյան ափը: Թվում է, թե քիչ այն կողմ երևացող Դայոց լեռնապարից լավա է պոկվել-իջել դեպի գետը, վայրագ ընթացքի մեջ գետափին մեկեն սառել է, և հիմա այդ կուտակ-կուտակ սառած ալիքները հայացքս ետ են հրում, հորիզոնի կանաչ պատառը, հայացքիս հետ հրում են դեպի Արտենի լեռը, դեպի Արագած լեռը: «Տեսնես, ես շոգին Արաքսում ջուր կա՞», - մտածում եմ, - թե կա, հիմա հավաքվել-կպել է ձախակողմյան ափին. մեր ափն է լիզում՝ ջուրն էլ մռայլությունից փախչում է, ջուրը կանաչ է սիրում»:

Պեռլիտի հանքաքարի կատարից իջնում եմ, որ գնամ ավան: Արագածը համանուն այգեգործական սովխոզի մարդկանց ավանն է, համանուն ոչխարաբուծական սովխոզի մարդկանց ավանն է, համանուն պեռլիտագործների Արագած ավանն է: Այգեգործները հիմա կանաչ հորիզոնում են, ոչխարաբուծները բարձրացել են Արագած սարը, պեռլիտագործները Արագած սարի Արտենի-բուռն են բացում, էս ամառ - միջօրեին ավանում ո՞վ մնացած կլինի: Գրասենյակում մենակ նստած հաշվապահը հիմա խոսում է իր հաշվիչի հետ, հաշվիչի հատիկների չխկչխկոցները գլորվում են դատարկ փողոցում, շեկ սահմանապահը հաշվապահի պատուհանից

ներս է ձգվում. «Ջը, ի՞նչ կա նորություն»։ «Առանձնապես ոչինչ, շոգ է»։ Չէ՛, ավան մտնել միտք չունի։ Յետո երևում է պեռլիտի հանքի վարիչ Սասունը՝ շեկ, արևից ավելի շեկացած ու խանձված մազերով երիտասարդ է։ Ավանից է գալիս։ Ավանը երիզող ասֆալտապատ ճանապարհը կտրելուց ոտքերը թփթփացնում է, թափ տալիս ոտնամանների փոշին, թաշկինակով քրտինքն ու ժպիտը խառնում է իրար։ Լավ է, միասին հանք կգնանք։ Բայց պարզվում է, որ շատ կարևոր, անհետաձգելի գործի է։

- Ախր, արտասահմանից, Մոսկվայից հյուրեր ունենք, կարգին հյուրասիրել է պետք։

- Որ չհյուրասիրեք, չի՞ լինի։

- Ինչո՞ւ,- զարմացած նայում է։

- Յենց այնպես, օրինակի համար,- լուրջ են ասում, թե կատակ, ոչ են են հասկանում, ոչ Սասունը։

Էսօր գործատեղ չեն գնացել,- նայում է հանքի կողմը։ Պեռլիտի ճերմակ հանքն է, հանքի վերին բլրակներին բազմած Արտենի սարը՝ պարուրված միջօրեի մշուշով։ Եթե առավոտ լիներ՝ այդ խճճված բլուր-բլրակները, Արտենի սարը, ձեռքերում հայելիներ պահած երեխաների պես խաղ կանցնին արեգակի հետ. Արտենի սարի կող ու կշտին «սատանի եղունգի» խիտ ցանք կա, իսկ դրանք, էդ «սատանի եղունգները», այնպես չարաճճի խաղ են անում արևի շողերի հետ, որ մանկությունդ են հիշում։ Մի երկու տարի օրս հենց այս Արտենի սարի փեշին էր բացվում ու փակվում։ Ինձ լավ է ծանոթ արտաքուստ այդքան գորշ, մռայլ այս սարի ու արևի խաղը։

* * *

Ես շատ են սիրել «սատանի եղունգները»։ անունով մութ, բայց լուսավոր ու բազմագույն այս քարերը պատերազմի տարիներին մեր՝ երեխաներիս, միակ խաղալիքներն էին, տների՝ պահունի կրակը. բամբակե պատրույզը դնում էին քարին, գերանդու ականջով՝ չխկ... չխկ... չխկ, կրակը կար։ Քարերը գյուղ էին հասնում Արտենի սարից, բերում էին ծերունիներն ու աղջիկները, որ իջնում էին Ախուրյան գետի ափը՝ Թալինի ջրանցքը փոքրելու։

Յետո իմացա, որ «սատանի եղունգները» է՛ն գլխից պետքական են եղել. է՛. ութ հարյուր հազար տարի առաջ մարդիկ սրանցից պատրաստել են գործիքներ (հնագետներն ասում են՝ շելլյան հատիչներ), պատրաստել ու գործել են հենց Արտենի սարի փեշին։ Չէ՛, հորինվածք չէ՛, հնագետներն են վկայում Արտենի լեռան հնավայրը խորհրդային Միության տերիտորիայում գտնվող մարդկային անենահնագույն օջախն է։ Հավատանք-չհավատանք, մարդիկ իրենց խոսքը կնքել են, և Արտենի լեռան կայանը «հնագիտության մեջ այժմ համաշխարհային ճանաչում է ստացել»։

Տասներկու-տասներեք տարի առաջ հնագետները Արտենի սարի հարավկողմյան լանջերը դեռ փորփրում էին, որոնում այդ նախաստեղծ, հնագույն օջախները, սրանց տերերի շելլյան հատիչները և չգիտեն՝ էլի թե ինչ։

Իսկ սարի հարավային փեշին Արտեմի նորաստեղծ սովխոզի զանգվածային խոպանն էր, շրջափակված Արտեմի սարի ճոթերով ու Մաստարա սելավահունով: Խոպանի տափարակ մասը հիմա-հիմա էլ կոչվում է «Աերող-րոմ» (պատերազմի ժամանակ, ասում են՝ մի անգամ ինքնաթիռ է նստել), իսկ շարունակությունը, որ թեք էր և գնալով սեղմվում էր բլրակների ու սելավահունի արանքում, խոպանի այս հատվածը անուն չուներ: Թալինի ջրանցքի մի ճյուղը Արագած ավանի մոտից ծունկ էր տվել, անապատը գլխող սարերին քսվելով ոլորվել էր ու աղեղվել խոպանի գլխին: Ամիսներ հետո ջուրը բաց էին թողնելու ջրանցքը, աշնանը ջուրը գալու էր. խոպանը կոտրել՝ այգետնկման համար հող՝ նախապատրաստել էր պետք: «Աերող-րոմի» քարերը շատ չէին անհանգստացնում, այստեղ անապատի պտուղ-փուշն էր շատ: Իսկ երբ փուշ հավաքող-այրող «կնկտոց ջոկատը» բրիգադիր Իշխանի կանչով, - կնկտիք, - մտավ անանուն խոպանը, երևաց... որ սա ուրիշ է... քարեր, քարեր, քարեր... Եվ այդ քարերը արդեն իրենք իրենցով չէին, ունեին տեր և տերը դժգոհ էր իր սուփրեն ճմռթող քարերից... Սովխոզի գլխավոր գյուղատնտես Տիգրան Զարությունյանը չհամբերեց, իսկ ի՞նչ գաղտնիք է բացելու ակոսը... Եվ, աչքադեմի քարերը դեռ չհեռացրած, տրակտորիստ Նշանին կարգադրեց.

- Այսպե՛ս, - ձեռքով խաչ քաշեց, - երկու ակոս բաց: Մեկն էլ՝ կենտրոնից կգնաս: Շուտ արա: - Դետո հեռացավ խմբից, կանգնեց մենակ ու սպասեց: Խոպանի գլխին հավաքվածները նայեցին գյուղատնտեսին, այդ մռայլ, մի տեսակ խռոված դեմքով, խստությունը սև հոնքերի արանքում հավաքած Տիգրանին աչք դիպցրին, հարցական նայեցին իրար և մնացին լուռ: Զարց ու հարցականները շատ էին. ի՞նչ մարդ է այս քչախոս Տիգրանը... Եվ իրար կարգին չէին ճանաչում, ամեն մեկը մի տեղից եկել նստել էր նոր ավանի նոր շենքում... Արտեմի նոր շենի և անանուն խոպանի տերերի այդ օրվա հարցականները շատ էին:

Նշանը միայն կես ակոս գնաց... Փոքր ու մեծ քարեր ելան, ակոսի մեջ հավաքվեցին գլուխ գլխի, հետո հիմնաշրջող խոփը դեմ առավ քարին, ճկռտաց ու կանգնեց: Օհո՛, այս հզոր տրակտորը, իր հիմնաշրջող խոփով, այստեղ խեղճանում է... Ուրեմն, երևացող քարերը հավաքել դուրս բերել, հիմնաշրջող գութանի փոխարեն տրակտորին կցել փխրեցուցիչ, հանած քարերը հավաքել, դուրս բերել, հետո հիմնաշրջել՝ քարերը հավաքել, դուրս բերել, նորից հիմնաշրջել՝ քարերը դուրս բերել, հարթեցնել քարերը դուրս բերել... Գլխավոր գյուղատնտեսը մռայլ կանգնած էր, ապա հոնքերի տակից նայեց Նշանին և ձեռքով հասկացրեց՝ տրակտորը ետ տուր, գութանը կջարդես: Դետո շրջվեց, նայեց Արտեմի սարի կողմը: Անանուն անապատից ու ջրանցքից վեր, սարի ուսին երկու ջահել, մինչև գոտկատեղերը մերկ, ծղոտե լայնեզր գլխարկներով երկու տղա շեկ հողակույտին նստած ծխում էին:

- Ովքե՞ր են, - հարցրեց գյուղատնտեսը, չնայած գիտեր:

- Դնագետների բանվորները:

- Ի՞նչ են որոնում:

- Շելլյան հատիչ են ասում, ինչ են ասում՝ դրանցից:

- Ինչների՞ն է պետք:

- Ասում են, եթե գտնեն, ուրեմն այստեղ մարդիկ են ապրել:

Գյուղատնտեսը ծռմռեց ժպիտը, ոչ մի բառ չասաց, միայն ժպտաց, բայց հաջորդ օրվանից հնազետների էդ երկու ջահել բանվորները, որ մինչ այդ աննկատ էին, մլակի պես խցկվեցին ամեն առավոտ անապատի գլխին հավաքվող մարդկանց կուպերի տակ... Առավոտ շուտ, Մաստարա սելավն անցնելուն պես, ամեն մեկը հարկ էր համարում մայել՝ հնազետների բանվորներն եկել՝ են: Աշխատում ու մայում էին՝ չե՞ն եկել և, չգիտես ինչու, ջղայնանում էին, որ նրանք ուշանում էին: Իսկ հնազետների բանվորները միշտ ուշանում էին. գալիս էին երևանից, գալիս էին ճոճռան մի բեռնատարով, մեկը դեկի մոտ մստած, մյուսը՝ կողքը: Յենց մեքենան երևում էր սարի ուսին, առաջին նկատողը բղավում էր.

- Եկան...

Յետո բերնեբերան էր անցնում:

- Եկա՛ն... Շելլյան հատիչները եկա՛ն:

Ջահելները իջնում էին ավտոյից, մինչև գոտկատեղը մերկանում, դնում ծղոտե լայնեզր գլխարկները, մստում կիսատ փոսի գլխին, ծխում ու մայում վար: Նրանց մոտից ամեն ինչ պարզ էր երևում. խոպանը, խոպանից ու Մաստարա սելավահունից այն կողմ՝ Նիկոլ թագավորի կառուցած երկաթուղին, երկաթուղային կայարանի սև շենքերը, դիմացի բարդին (հորիզոնի միակ կանաչ շունչը), եկաթուղուց դեն՝ Արտեմի ավանը իր փոշոտ տներով, տների դիմացի թար ու խոպան տնամերձերով, սրանց կեսուպառտ փոշոտ ցանկապատերը, ավանի փոշոտ փողոցները, ավանի կիսատ շենքն ու շինությունները... Ամեն ինչ երևում էր՝ մինչև Ջայոց լեռնապարը: Եվ այդ գորշ հորիզոնը ահագին հետաքրքիր էր, ու շելլյան հատիչներ որոնողները երկար էին մայում: Իսկ դրանից անապատը կոտորող մարդիկ գայրանում էին:

- Էդ լակոտներին էլ ավտո են վստահել...

- Իբր շատ շուտ են եկել, հիմա մստել մայում են...

- Դե, վեր կացե՛ք աշխատե՛ք... աշխատե՛ք... շանորդիներ:

Ոչ որի չէր հետաքրքրում՝ տեսնես կգտնես ն շելլյան հատիչներ և ոչ որի համար միևնույնը չէր, որ հնազետների ջահել բանվորները էդ հատիչները չեն որոնում, այլ մստում են... Ջաբեթի ուժը չէր պատում, որ թարը գրկի ու զգի ավտոյի թափքը, շուտ էր գալիս նրանց կողմ,- մստել են, ձե ր...- ըսենց, ընենց,- արեք, է՝ - հետո մոր ընկերոջն է դիմում,- օգնիր:

Խոփը դեն էր առնում թարի, խոփը կոտրվում էր, տրակտորիստը խեղճացած մայում էր շուրջբոլորը, մի պահ չէր որոշում ասելիքն ու անելիքը, հետո հայացքը դիպչում էր սարի ուսին մստած կամ բզբզացող ջահելներին և տրակտորիստի բերանը բացվում էր.

- Ես ձեր պորտաբույծ...- հայիոյում էր ու հանգստացած ծխախոտ վառում:

Պողպատյա ճուպանը պոկվում էր դեպի սարալանջը քաշվող քարաբեկորից, լանջիվեր՝ դեպի սարի ուսը հայիոյանք էր գնում, քարը մեքենայի թափքից ետ էր գալիս թոմփում գետնին, դեպի սարի ուսը հայիոյանք էր գնում, քարը համառում էր, շարժվել չէր ուզում՝ նույնը, քարը չէր ջարդվում նույնը, մի հարվածով էր ջարդվում՝ հայիոյանքը կար ու կար՝ էլի սարի ուսն էր գնում...

Չէ՛, շելլյան հատիչներ որոնող ջահելները մլակի պես խցկվել էին անպատի գլխին հավաքված մարդկանց կոպերի տակ և դուրս գալ չէին ուզում: Գլխավոր գյուղատնտեսը գալիս, լուռ շրջվում էր, ավելի մռայլվում՝ քարերին վերջ չկա, մայուն էր ջրանցքից վեր՝ սարի փեշին օր-օրի ավելացող քարե բլուրներին և գլխով ակնարկում այդ ձեռնաշեն բլրակներից քիչ այն կողմ, ճերմակ հողակույտին նստած տղաներին.

- Դեռ այստե՞ղ ես...

- Ընկեր Զարոթյունյան,- տաքանում էր բրիգադիր Վահագնը,- էդ անբաններին էս տեղից քշել է պետք. երկու ամիս է նստած են մի փոսի գլխին, կարգին գործ չեն անում, մեր բանվորների տրամադրությունն էլ փչացնում են:

Իրականում բախտավոր զուգահեյություն էր, որ այդ բարակիրան, սիրունիկ ու ծուլ ջահելները եկել ու նստել էին քարիանք անապատը մշակող մարդկանց հայացքի տակ. անապատի հարուցած հոգնությունն ու տանջանքը մարդիկ թափում էին նրանց գլխին, ամեն մեկն իր ուզած ձևով սրտնեղությունն ու զայրույթը թափում էր այդ «շելլյան հատիչների» գլխին ու հանգստանում:

- Շելլյան հատիչ են ման գալիս, թե՛ էստեղ մա՛րդ է ապրել,- Վահագնը չէր հանգստանում,- հա՛, էս քարերը նրանք են ցանել, որ ծլի... էստեղ ոչ մի մարդ էլ չի ապրել, առաջինը մենք ենք... Թող վեր կենան գնան, թե չէ տղերքին կասեմ՝ կծծեն:

Հետո եղավ, որ մի շաբաթ չերևացին ջահելները, երևի մնացել էին հնագետներին բողոքելու, թե ձեր նշահարված կոլերի գլխին քար է թափվել, թե մեզ ծաղրում-հայիոյում են, եկեք էդ մարդկանց մի բան հասկացրեք: Այդ շաբաթ խոպանի մարդիկ ավելի նեղսիրտ դարձան. անհասցե հայիոյանքը էն չէր՝ չէր հանգստացնում, շուտ-շուտ մայում էին սարի կողմ,- ո՞ր էն... Իբր թե գործ արեցին, հիմա էլ սանատորիա են գնացել...- մի քանի տեղ վե՛ճ ու կռիվ ծագեց, Նշանն ու Վահագնը խռովեցին և հաշտվեցին այն օրը, երբ Արտեմի լեռան ուսին հայտնվեց «չղջիկ» ավտոն...

Հիմա կանգնել են Մաստարա սելավի ափին, այնտեղ, որտեղից ավտոյով կտրում են լճացած ջուրը, մտնում Արտեմի սովխոզի այգիները (տասներկու-տասներեք տարի առաջվա «Աերողրոմն» ու սրա շարունակություն անանուն խոպանը): Մի ժամանակ սելավահունի վրա գերանակապ, մեղլիկ մի կամուրջ կար, հիմա վերցրել-զցել են մի կողմ, մնում է

միայն ավտոյով անցնել, ամռանն ու աշնանը՝ անցաթուղթ ունեցող ավտոյով: Իսկ մեր «Վիլիսին» անցաթուղթ չկա, և սելավահունի մյուս ավտոն ուղեփակոցի մոտ կանգնած պահակը զգուշացնում է.

- Իզուր ավտոն չթրջեք, ափսոս է, սովխոգի դիրեկտորը, ընկեր խաչատրյանը, էստեղ չէ,- հատ-հատ ասում է, որ լավ հասկանամ:

Ուղեփակոցի կողքին կշեռքն է. այգիների բերքն ու բարիքը այդ կշեռքի վրայով է անցնում, քիչ այն կողմ հողիկ կա, գուցե սովխոգի դիրեկտորը հենց հողիկում է և պահակին կարգադրել է,- եթե հարցնող կլինի, կասես այստեղ չեն: Ամռան օրերին սովխոգների տները մեքենաներով մարդկանցից փախչում են:

- Լավ, թույլ տվեք անցնենք, այգիներում մի քիչ ման գանք,- սելավահունի իմ ափից բանակցում են:

- Չի կարելի, այ ընկեր,- պահակը պաշտոնական մերժում է:

Յե՛ն գիտի հա՛, էդ երբվանի՞ց էդպես... Երեկ-մյուս օր աչքները ջուր էր կտրում, ո՞վ կանցնի սելավը, տեսնես ո՞վ կգա մի փուշ կիսանի անապատի աչքից, ո՞վ մի քար կկերցնի, թեկուզ ձեռքերը կոծքին ծալած մտիկ կտա իրենց ու քարերի կռիվը:

Յետո հողիկից դուրս է գալիս սովխոգի գլխավոր գյուղատնտես Սարոյանը, ժպտում է և պահակին հարցնում.

- Դու է՞ն մարդուն չե՞ս ճանաչում:

- Բա եղա՞վ, ո՞նց չեմ ճանաչում, մեզ մոտ էր աշխատում,- և դառնում է ինձ,- պաժալուստա...

Ուղեփակոցը անցնում ես թե չէ՝ այգիներ են. սելավահունի գալարուն իրանին կանաչ գոտի են կապել և հորձանք են տալիս Արտեմի սարմիվեր, սարի աջ ու ձախ քարավանաշար բլուրները: Ջրանցքից վեր, լեռնափեշերի քարե բլրակները, որ մի ժամանակ անապատի կավահողի գույնն ունեին, հիմա գորշացել են, առել սարի տարիքն ու գույնը և ոչ ոք չի ասի, թե այդ քարակուտակները բերովի-ձեռքաշեն են:

Երկար ժամանակ է Սարոյանին չեմ տեսել, հիմա հանդիպել ենք, ու էլի լռության պետք ունեմ. ուզում եմ սուսուփուս մայել: Իսկ Սարոյանի խոսքի մեջ տարիներ առաջվա օրն ու ներկան հանդիպում են ու բաժանվում:

- Է՞ն առաջին տարվա բերքը հիշո՞ւմ ես ինչքան եղավ... Մի կուժ մաճառ: Հիշո՞ւմ ես, որ Վահագնի հողիկում հավաքվել-քեֆ էինք անում, Եղիշե Կարապետյանը (սովխոգի նախկին դիրեկտորը) եկավ բռնացրեց... Ասում էր,- «բա դուք մա՛րդ եք... Ինձ ինչո՞ւ իմաց չեք տվել... Բա դա մարդկություն՞ն է... էս տարի՛ ըիր»,- ձեռքը բարձրացնում է գլխից վեր:

Սարոյանը միջահասակ, միհար, գրուցասեր մարդ է, Արտեմի սովխոգի առաջին գլխավոր գյուղատնտես Տիգրան Հարությունյանի «միտուննավոր» հակադրությունը: Գուցե և սխալվում եմ, գուցե Տիգրանը ամենևին էլ մոայլ մարդ չէ. Է՞ն օրերի անապատի հոգսն էր ծանրացել նրա դեմքին...

- Օհո,- Սարոյանը արգելակում է մեքենան. այգեմիջյան ճամփով ջրի մի բարակ չիթ է ճնկտում,- շատ ջուր կա, հիմա ճանապարհներն են

ջրում,- Սարգիս,- ձայն է տալիս ջրվորին,- էդ Սարգիսը հայրենադարձ է։
Չորս տարի առաջ եկավ...

Երաշտ է. Արաքս գետում ջուրը նվազել է։

- Թուրքերը բողոքել էին, գիտե՞ս,- հիշում է Սարոյանը,- աղմկում էին, թե
ինչո՞ւ է մեր ջուրը պակասել, էստեղ մի բան կա։

Արաքս գետը, գիտենք, կիսրար է, գետի նույն հատվածում թալինցիների ու
թուրքերի ջրանցքները հանդիպակաց ափերից ճակատ ճակատին են, իսկ այս տարի
ջրանցքներում ջուրը պակաս է, որովհետև տարին է երաշտ, բայց թուրքերը
բողոքել են, հավաքվել-եկել Արաքսի ափը, կանչել մերոնց.

- Ինչո՞ւ է մեր ջրանցքի ջուրը քիչ։

- Ձեր խմբում ինժեներ կա՞,- հարցին հարցով է պատասխանում Թալինի
ջրային տնտեսության պետ աշնակցի Վաչիկ Խաչատրյանը։

- Ես եմ,- առաջանում է մեկը,- ծանոթանանք,- և ձեռքսեղմումի հետ հա-
յերեն շշմում,- ազգությամբ հայ եմ...

- Խնդրում եմ չափեք Արաքսի մակարդակը, ապա կգրուցենք։

Թուրքերի ինժեները չափում է գետի ջուրը, իրենց խմբի մյուս պատվի-
րակների կասկածոտ հայացքների տակ հաշվումներ կատարում և պարզ-
վում է, որ ջրագողություն չկա։

- Այնուամենայնիվ, մեր ջուրը քիչ է. ջրի խիստ կարիք ունենք։

- Մենք նույնպես։ Եվ ստիպված որոշել ենք Արփա լճից մի տասը օր
ջուր բաց թողնել գետը, այստեղից վերցնել։ Փոքրիկ լճակ է, կդատարկվի,
բայց ստիպված ենք։

- Իսկ մենք ի՞նչ անենք,- մեկուսի նեղսրտում է թուրք պատվիրակը։

- Եթե իմ խորհուրդն է պետք,- պատասխանում է աշնակցի Վաչիկը,-
Տալվորիկ գետից բերեք, հայրս ասում էր Մարաթուկի, Ծովասարի կողմե-
րը ջուրը շատ առատ է։

Թուրքերը մոայլվում են, չեն ուզում ձեռք տալ աղուհացին, խմել մեր
կոնյակը։

- Չետո մերոնք կատակել են, ասել են՝ ա՛յ մարդ, հարևաններ ենք, եկեք
մի-մի բաժակ բան խմենք իրար հետ։ Եվ միասին հացի են նստել... Սար-
գիս...- գլխավոր գյուղատնտես Սարոյանը մեկեն ջղայնանում է,- էս ինչ
դիմջ մարդ է, տո՛ւ, էսքան ջուրը մի շարք խաղող ջրած կլիներ։

Նայում եմ Արագած սարի կողմը և մտածում, «Ձէ՛, առանց քեզ մեր բո-
լոր ջրանցքները ճաք կտան, առանց քո ամպուզամայի նույնիսկ թուրքերը
յուլա չեն գնա... Երևացրու, քո հորիզոնի գլխին անշեջ պահիր կատարիդ
«Լուսավորչի կանթեղը», Արագած»։

Ամռան միջօրեն ոսկե հալոցք է մաղում, և գլխամաղ վազերը բաղդը
երագի մեջ են։ Այգեմիջյան ճամփեգրի ծիրանենին, հենց այնպես՝ հովի
համար տնկած ծիրանենին, կաթկթում է, տաք, գունձ-գունձ ոսկե զառան-
ցանք է թափվում ճամփի խանձված սեգերի մեջ։ Ծիրանանոցից գալիս է
բարձված մեքենան, խցիկում նստած երևանցի մթերողը անուշ ժպտում է

գյուղատնտեսին:

- Լավ ծիրան է, բայց մի քիչ մանր է:
- Մանր չէ:
- Վերջը առաջին սորտ հաշվեցիք, էլի:
- Սկիւն սև են ասում, սպիտակին՝ սպիտակ,- Սարոյանը կարճ կապում է:
- Թե հասցրի, էսօր մորից ետ են գալու:
- Համեցեք:- Եվ շեղ մայում է մեքենայի ետևից,- ես մթերողները հետաքրքիր մարդիկ են. ոսկի տաս, մի անուն կկացնեն... Գմանք ծիրանանոց, տես ինչ բերք է եղել... Հիշո՞ւմ ես սարեցիները ոնց էին ծառ տնկում, մինչև կեսը թաղում էին, իբր թե չչորանա...

* * *

Իրիկնապահ է: Կանգնած ենք ավանի կենտրոնական փողոցի եզրին, այնտեղ, ուր կուլտուրայի պալատն է կառուցվելու: Անպայման կառուցվելու է՝ հիմքն արդեն փորվել է: Ճամփեզրից երևում է Արտեմի սարը: Սարի վրա մերթ ընդ մերթ փայլվում է իրիկնապահի արևը. «սատանի եղունգների» ամողորարժույթն է: Սարի փեշին այգիներն են, և թվում է, թե կանաչ շերտը շարժվում է, հանդարտ ու տարածուն մազլցում է սարնիվեր: Լեռներով ու սելավահունով շրջափակված այգիներն ավանի հայացքի տակ են, հավաք, իսկ շենի թիկունքի այգիները կտրակցոն են. կանաչ հեղեղի պես հոսում են բլուր-բլրակների շուրջօլորը, ճոթ տալով, թռչելով ծորակների զլխից, գնում են դեպի Արաքս գետը:

Ծիրանենիները դուրս են պրծել տնամերձերի ցանկապատերից, կախվել ճամփեքի վրա, վագերը վարագուրել են պատշգամբները, տանիքներն են մազլցում և կանաչ խաղաղությամբ են կնքել իրիկնապահը, շեներն ու տանիքները:

Օրը նշանավոր օր է արտենցիների համար. «Ծերախումբը» խնջույքի է գնացել: «Ծերախումբը» ավանի տարեցներն են: Մութ քեռին ավանի ամենաառաջին բնակիչն է, Գառնիկի հետ հիմնվող շենի համար մի աշխարհ քար է կտրել, մեկը առաջին որմնադիրն է, մեկը՝ առաջին փուշ վառողը, մեկը առաջին... 95-ամյա Թաթոս պապն ավանի ամենատարեցն է... Բոլորը հիմա բանուգործից ձեռք են քաշել և ունեն հատուկ որոշում տարվա մեջ մի օր հավաքվել, բարձրանալ Արագած սարը խնջույքի: Օր առաջ ավանի մեծ ու փոքրին հայտնի է դառնում «Ծերախմբի» խնջույքի օրը: Առավոտյան ճանապարհում են, երեկոյան հավաքվում դիմավորելու: Հիմա ջահելներից շատերը աշխատանքից հետո տուն էլ չեն գնացել, բանվորական մեքենաներից իջել, նստոտել են մոտիկ պատերի տակ, տների ու ծիրանենիների ստվերներում, խումբ-խումբ կանգնել և սպասում են:

- Եկա՞ն...

Այս ու այն կողմից ծայն են տալիս և մայում հավաքատեղին մոտեցող բեռնատար ավտոյին:

- Ծերախումբը եկա՞վ:

Հավաքվում են ճամփի կենտրոնում, օղակում ավտոն, կատակում, աղմկում, Պայքարը ձեռքերը խփում է իրար,- տղե՛րք, հերս խմած է,- Նշա-
նը մատնացույց է անում,- հլա Գառնիկ քեռո՞ւն, Գառնիկ քեռո՞ւն,- մեքե-
ման շրջապատած աղմկում են,- արե՛ք ձեզ իջացնենք, արե՛ք...

Իսկ ծերունիները չեն շտապում. իրենց բարձրությունից ժպտում են՝
լուրջ ու շոյված: Ավտոյի խցիկը շնորհվել է Թաթոս բիծում, բրիզադիր
Ռազմիկի հորեղբայրն է: Ռազմիկը շտապ մոտենում է, բացում գիրկը՝

- Արի, հոխպեր:

Ավանում այս ու այնտեղ ճոթ է տալիս.

- Եկա՛ն... եկե՛լ են...- Կանչի հենտ, որտեղից որտեղ, հիշում եմ Արտեմի
սարի ուսին շելլյան հատիչները որոնող ջահելներին: Հիշում եմ և Վահագ-
նին հարցնում.

- Ես շելլյան հատիչները էլ չե՞մ երևում:

- Ուր է թե,- ուրախանում է, որ հիշել ենք,- երևային՝ մի լա՛վ հյուրասի-
րեհնք... Սիրում, լավ ջահելներ էին, չե՞- հետո լուրջ հարցնում է,- լսիր, ին-
չո՞ւ չէինք սիրում նրանց, ի՞նչ էին արել խեղճերը, իրենց համար շելլյան
հատիչներ էին ման գալիս, էլի:

- Շելլյան հատիչներ չէ, այգիներ էին որոնում,- ձեռքս մեկնում եմ Արտե-
մի սարի կողմը,- նրանց որոնածը էս շենն էր:

3

Նոր մի ճանապարհ է ավելացել... Ավելի ճիշտ, այդ ճանապարհը Արա-
զածոտն գավառում, է՛, վաղուց եղել է՝ Աշտարակի վերին գյուղերի ուխ-
տավորներին տարել է Վաղարշապատ ու ետ բերել: Հետո ճամփան
խաչակնքվել-թաղվել է, հիմա մարդիկ նորից համել ու ձգել են գետնին՝
Ուջանի ու Կոչի արանքում, Երևան-Լենինական մայրուղուն ուղղահայաց:
Ճիշտ է, սա էն ճամփի մի հատվածն է, բայց երբ ծայր է առել՝ կզմա: Անց-
յալ ամռանը դեռ չկար՝ դեռ որոնում էին... Չէ՛, էս անգամ՝ հնագետները չէ՛,
տրակտորիստ տղերքն էին, կորած այդ ուխտավոր ճամփից էլ անլուր:
Պարզապես նրանք քարն ու հողն էին ջոկջոկում իրարից, և Հետուն գան-
գատվում էր.

- Տրակտորները չեն դիմանում, տրակտորները, մենք պինդ ենք:

Դար ու փոսերը քանդել խառնել էին իրար, կրակն ընկել քարերի ձեռ-
քը: Եվ այդ քարերը կուտակելու համար նույնիսկ տեղ չկար՝ պիտի քշեին,
է՛, էն դարի գլուխը:

Հռոմի կենտրոնական հեռուստատեսությունից օպերատորներ էին
եկել. «Ինչպե՞ս են ապրում խորհրդային մարդիկ» հեռուստատեսային հա-
ղորդումների յոթերորդ թե ութերորդ սերիան բաժին էր ընկել Հայաստա-
նին: Աշտարակից գալուց, ճանապարհին, օպերատորները վրա-վրա հո-
րանջում էին, մի տեսակ հոգնած, շրջապատի նկատմամբ անտարբեր:

- Մի սրանց ձևերին, էս եվրոպացիներին մտիկ,- Աշտարակի մեքենամե-

լիորատիվ կայանի դիրեկտոր Լիպարիտ Զուլսեփյանը վերափորվում է,- կարծես մենք ենք աղաչել, թե՛ եկեք տեսեք ինչ ենք անում, կհավանե՞ք, թե՛ չէ:

Իսկ երբ տեղ հասան, կանգնեցին տրակտորների աղմուկով ու քարերով լցված խոպանի գլխին, հռոմքի օւլերատորները շփոթված նայեցին իրար, և Զուլսեփյանի աչքերում վառվեց արվեստագետի հայացքը:

- Զրաշք ենք նկարելու,- ասաց ընկերոջը:

Զետո ես ուրախացել էի Զետու անվան համար, անհանգիստ շարժվում էի քարերի մեջ և ինձ թվում էր, թե բան եմ գտել, է՛, վաղուց կորած մի բան էդ անապատում եմ գտել, մագաղաթագիր, մամռոտ մի խաչքար, կլոր որ- ծաքարերից շինված մի մատուռ... չգիտեմ ինչ ու ինչ, և մտքումս խաչվել էին լեռներում մոլորված սիգապատ կածանները, որոնց երբեք չեմ տեսել, բայց նրանք իմ երակներում գալարվում են: Եվ հենց Զետու անունը ինձ հիշեցրեց, որ այդ դռերում կորած մի ծամփա կա: Իսկ Զետուի որոնածը դա չէր՝ այդ սալարկված դռերում, նա որոնում էր հող...

Զուլսեփյանն ոգևորությունից գլուխը կորցրել էր. հա, հա մտնելու էր Զետուի տրակտորի տակ, պոչին կանգնած քարաբեկորը եթե շուռ գար, օպերատորին տակով կաներ, իսկ նա այդ մասին չէր մտածում, ծնկած նկարահանում էր: Զետուն վախեցած արգելակեց տրակտորը:

- Ա՛յ մարդ, հո շառ չե՞ս,- գոռաց,- հեռու գնա,- և խռոված դարձավ Լիպարիտին,- ես փորձանքը որտեղի՞ց բերիր, վերցրու տար:

Օպերատորը ժպտաց Զետուին, հասկացրեց, թե մի վախեցիր, ինձ ոչինչ չի պատահի, ապա արագ նայեց շուրջբոլորը, վեր ու վար ամռան մշուշով լցված հորիզոնին, և մշուշից դուրս պրծած Արարատի ճերմակ ճակատին մեկեն բոցկտաց հայացքը: Նա իրարանցումով հարմար դիրք ընտրեց, զգայուն արվեստագետի ջղային շարժումներով ընտրեց հարմար դիրք, և խամրած երկնքում լողացող ճերմակը, և անապատը, և տրակտորն ու տրակտորի դեմ ցցված քարը, և Զետուին առավ ապարատի մեջ: Երկար չկշկում էր ապարատը, ապա նա բորբոքված նայեց Զետուին և գայրացած ձեռքով արեց՝ շարժվիր:

- Ձղային էլ տղա է երևում, գլուխը կուտի,- ամփոփեց Զետուն:

Եվ Զուլսեփյանն ու ընկերը տրակտորի ետևից վազվզում էին, նկարում հողի տակից հենց նոր ելած քարերը, անհնազանդ, կամակորորեն գետնին կառչող քարերն ու տրակտորիստ տղերքի համառությունը, պողպատյա ճուպանով բլուրները քաշվող գողիաթ քարերը, դեպի բլուրները քշվող քարերը և այդ քարերից անձրևաջրի պես հոսող կավահողը, որ ծանր ու տաք նստում էր անապատի գլխին:

Զետո երբ ավարտել էին նկարահանումը և հոգնած քայլում էին դեպի մեքենան, Զուլսեփյանն ետ-ետ էր նայում, ավտո մատելուց առաջ երկար նայեց կոտրվող անապատին և ասաց.

- Իմ հայրենիքը Սիցիլիան է, խորդուբորդ. քարերի մեջ կորած այսպիսի տեղանք ինչքան ասեք կա, բայց ոչ մեկը չի մտածում մշակելու մասին:-

Ապա հակված լռեց և դարձավ ընկերոջը,- մեր սերիաների մեջ ամենալավը սա է,- և ինքն իրեն ասաց.- այս ֆիլմը ինձ շատ է պետք գալու... հայրենակիցներիս հետ սրանով պետք է խոսեմ:

- Նստեցեք,- ժպտալով առաջարկեց Լիպարիտը: Ջուզեպպինոն գլխով արեց, բայց հապաղեց, մեքենային հեմված նա ծխում էր, նայում տրակտորիստների կողմը և գնալով տխրում: Եվ մինչև ասֆալտ դուրս գալն ու մինչև Ուջանի դուրանը ոչ մի խոսք չասաց, ծխում էր ու նայում շուրջը լուրջ: Ապա խնդրեց, որ Լիպարիտը կանգնեցնի մեքենան, իջավ՝ նայեց Ուջան գյուղին, գյուղի թիկունքի սարին, որ երկնքից մի պուտ ջուր էր գողացել ու կանաչապատ առվով ճամփել ուջանցիներին, նայեց ընկերոջը, գլխով ակնարկեց առվի կողմը:

- Շատ ինքնատիպ է,- և դարձավ հարցոեց,- որտեղի՞ց է գալիս:

- Ամբերդից,- Լիպարիտը շիփ-շիտակ պատասխան տվեց, բայց Ջուզեպպինոյի հայացքից հասկացավ, որ երկնքից իջած առում եվրոպացի օպերատորին կարգին հետաքրքրում է՝ սկսեց բացատրել, թե էսպես, էսպես. Ուջանի թիկունքի սարից վեր, մինչև Արագած, հազար սար ու ձոր կա, էդ ձորերից մեկը կոչվում է Ամբերդ, պռունկին համաճումն բերդ կա, հայոց իշխաններ են նստել բերդում և իրենց Արագածոտն գավառը շենացնելու համար հրամայել են ձորի ջուրը հանել, ոռոգել դաշտերը: Հրամանը ի կատար է ածվել, և ձորից դուրս է եկել տասնմեկ ջրանցք: Իսկ դա եղել է դարեր առաջ, է՛, այնքան վաղուց, որ ջրանցքները գոցվել են և միայն ավանդազրույցներում են մնացել: «Ամբերդի տասնմեկ առուները»: Հետո էս ուջանցիները ելել, իրենց հարևան գյուղացիների հետ որոնել են կորած առուները՝ գտել են, վերանորոգել, և Ամբերդի ջուրը նորից հասել է էս սարերի գյուղացիներին: Ահա, ուջանցիների համար էլ էս առվով է գալիս: Իհարկե, դա էլ է շուտուց եղել:

- Հայրենական մեծ պատերազմի տարիներին,- շեշտեց Լիպարիտը:

- Պատերազմի ժամանակ... Վա՛րդապետ...

- Հենց՝ պատերազմի... Աշտարակի ծերունիները իմաստուն մարդիկ են, նրանք գիտեին, որ մերոնք հաղթելու են:

Ջուզեպպինոն հետաքրքիր նայեց Լիպարիտին: Երևում էր, որ մինչ այդ արվեստագետի աչքով չէր նայել, թե ինչպիսի դեմք ունի անապատը կոտորողների դեկավարը, հետաքրքիր նայեց և նրա սև ու կլոր աչքերից, ակնխառն ու արտակարգ պինդ մազերից գոհ ժպտաց,

- Դուք աշտարակցի՞ եք:

- Չէ, Երևանում ծնված-մեծացած տղա եմ: Մորատատս է աշտարակցի, և հողի հետ ինձ շատ է կապում: Երևանում կարգին պաշտոնի էի, թողեցի եկա:

- Իսկ որքա՞ն են վարձատրում:

- Բավարար: Էս ավտոմեքենան էլ իմ սեփականն է. տասը տարի է վառում եմ, էդքան էլ կդիմանա:

Հետո մինչև Աշտարակ Ջուզեպպինոն լռեց և նրա կապույտ քներակը

ցնցվում էր: Իսկ Աշտարակում խմում էր անգուսպ, մոտիկ նստածներին համբուրում,- դուք հետաքրքիր ժողովուրդ եք... Ես ձեզ սիրում եմ,- Լիպարիտին ասում էր,- իմ մորատատը Սիցիլիայում է, այս անգամ ես նրան տեսության եմ գնալու,- և չգիտես ինչու նյարդայնանում էր Լիպարիտի ժպտուն հայացքից,- այդպես մի մայր ինձ և ձեռքը խփում էր սեղանին,- այս սերիայով ես դեռ կխոսեմ իմ հայրենակիցների հետ...

* * *

Հա, մի նոր ճանապարհ է բացվել: Ուջանի և Կոչի արանքում, Երևան-Լենինական մայրուղուց ծայր է առնում և հասնում է այնտեղ, ուր անցյալ ամռանը Ջուզեպպինոն հեռուստատեսային ֆիլմ էր նկարահանում:

- Էդ ֆիլմը ցուցադրե՞լ եմ, թե՞ չէ,- հարցնում է Լիպարիտը,- հեռուստացույց դիտելու ժամանակ էլ չունեմ:

- Չգիտեմ:

Լիպարիտի հետ, իր սեփական «Մոսկվիչով», գնում ենք պատրաստի հողը մայելու: Նոր ճանապարհը, որ արդեն ասֆալտել են, անցնում է քար-հանքի կողքով, այգետնկման համար պատրաստված հողը կես է անում և վարի գոգահովիտը չհասած կտրվում է: Այդ գոգահովտում ավանն է լինելու: Հիմա դեռ անում չունի:

Ապագա շենի շուրջըրըրը ծավալվել է մայրացու դաշտը՝ իր հարկին վայել ծանրությամբ նստած է՝ շեկ, տաք, փխրուն. անծրև չի եկել, որ կեղևակալվի:

Անապատը ջարդող մեխանիզատոր տղերքը խումբ-խումբ բաժանվել են, Թալիշի և Կոչի ներքևի դռերում են, ձորափցիների ու բյուրականցիների դաշտերն են մաքրում քարերից, մի բրիգադ էլ Ուջանի տափարակը ծախակողմից փակող դարի գլխին է: Լանջի կեսը շիկավում է, մեր կանգնած տեղից երևում է հնձված-արածեցված արտի պես, կեսը՝ գորշ, մռայլ, այդտեղ դեռ խոփ չի կպել:

- Արի գիտես ի՞նչ անենք,- Լիպարիտը աչքերը կկոցած մայում է դարի կողմը,- փորձենք խպես ուղիղ հասնել դարի տակ: Եթե հասանք, մեքենան չքսեց, նշանակում է հողը լավ են հարթեցրել:

Փորձում ենք, և Լիպարիտը գոհ է մնում:

- Չէ՛, տղերքից զանգատվելը մեղք գործել կլինի:

Շիկացած օդում հալվել է տրակտորների աղմուկը: Աղմուկը տրակտորների խամրած ծխից ես զգում, և թվում է, թե լսում ես երկաթների ու քարերի ճկրտոցը: Սարի փեշին խափանված տրակտոր կա, ջարդված խոփ ու փխրեցուցիչ:

- Ափսոսդ գալիս է... Բայց երբ հողը պատրաստվում է, սրանք աչքիդ չեն երևում:

Ինչպես նոր իջած ծյուն, փխրուն է նոր հայտնված հողը, մինչև կոճերդ թաղվում ես, սարալանջում արմատ չի եղել, որ ընդերքի շեկ փոշին գունձ-գունձ հավաքի: Լիպարիտը հագնում է բանվորական սապոգները և նկա-

տում, որ իմ բանը դժվար է:

- Դու սպասիր, ես բարձրանամ տղերքի մոտ, գամ:

- Չէ՛, արի երկուսս էլ բոքիկանանք:

- Լավ բան ես ասում, բայց մենք բոքիկ քայլելու կարողությունը կորցրել ենք, կոշիկներին շատ ենք սովոր: Զամ էլ օձ շատ կա:

Տղերքից մեկը կանգնում է տրակտորի խցիկին, ձեռքը թափահարում գլխից վեր՝ «Բա՛րև»:

«Բա՛րև», - պատասխանում ենք:

Տրակտորիստը ձեռքով ցույց է տալիս ինձ, ձեռքով հարցնում, «Ո՞վ է, ի՞նչ է ուզում», - և Լիպարիտի մատասխանը առնելուց հետո ցույց է տալիս արևը, հասկացնում, «Էս շոգ ու կրակին ի՞նչ գործ ունեք, թողեք զնացեք, - ձեռքերով մեզ քշում է, - զնացեք, զնացե՛ք», - տրակտորի խցիկի գլխից իջնում, նստում է դեկի մոտ և խամրած ծուխը նորից մեզ է հասցնում քար ու խոփի ճկրտոցը:

- Ազատություն տվեց մեզ, - ծիծաղում է Լիպարիտը, - զնանք Բյուրական, հող ունեն հանձնելու:

* * *

- Մինչև Վիկտոր Զամբարծումյանին չբերես, հողդ չեմ տա, - կատակ է, բայց այնքան լուրջ տոնով, որ Բյուրականի սովխոզի դիրեկտոր խաչիկ Մնացականյանը, որ վաղուց ծանոթ է Լիպարիտին, տարակուսած նայում է:

- Թող Վիկտոր Զամազասպովիչը գա, կանգնի հողի գլխին, հողը փեշ-քեշ անեն:

Եվ կատակի ու պահի մեջ մարդու մոտ ծնվել է մի մեծ ցանկություն, առիթով ծանոթանալ Վիկտոր Զամբարծումյանի հետ, կանգնել խմորիատ բարձունքի վարի տափարակը, ասել, էսպես, էսպես, Վիկտոր Զամազասպովիչ, էստեղ քսան արտ էր միջնակներով, խորդուբորդ, ոչ մի ակոս չի-տակ չէր գնում, անշարժ քարերը ծռռում էին, տեսեք ինչ քարեր են դուրս եկել, տոննամոց, տասը տոննամոց քարեր են, տրակտորի ուժը չէր պատում, որ դուրս բերեր: Զիմա՝ խնդրեմ, զանգվածային հարթ, սիրուն, ուզում են այգի տնկեն, ուզում են ծխախոտ մշակեն... Եվ այս ամենը մեր տղերքը մի անսում արեցին, է՛, առավոտվա վեցից մինչև երեկոյանն ինը աշխատում էին... Զիմա էլ էն լանջն ենք ուզում քանդել, մեր պատրաստած էս հողի գլխից սկսենք ու իջնենք մինչև ձորի պռունկը, և, փաստորեն, էս տափարակն ու լանջը կմիանան, կդառնան մի հող: Զասկանալի է, էդ լանջի մշակումը տասնապատիկ դժվար է, բայց կանենք... Եվ ասի՝ գերմանացի է՛ն Ռոբերտ Մարտենսը, որ հասնում է ձեր աստղադիտարանը, աչք-աչքով տեսնում ու համոզվում՝ «Բյուրականից ճանապարհի է հարթված դեպի աստղերը», հայացքը երկնքից մի պահ էլ թող գցի էս կիրճը, ախր, մեր տղերքն էլ էս քարերի մեջ են աստղեր որոնում...

- Ակտը չեմ ստորագրի և վերջ, - Լիպարիտը իր կատակի մեջ համառում է:

- Ասացի՜ էստեղ չի,- ժպտում է սովխոզի դիրեկտորը:

- Խոսում ես, էլի, ո՞ւր գնացած կլինի:

- Հլա հարցին, Վիկտոր Համբարձումյանը ո՞ւր գնացած կլինի,- ծիծաղում է Մնացականյանը,- Մոսկվա, Փարիզ, Լոնդոն, որ Մարս էլ ասեմ, պիտի հավատաս: Վեր կաց, տղերքիդ համար էսօր ոչխար եմ մորթելու: Գնացի՞մք:

- Տղերքը ոչխարի պետք չունենմ,- մեկեմ սրտոդդում է,- ամեն մեկը, ամսական երեք-չորս հարյուր ռուբլի է ստանում, դու հողիդ տեր կանգնիր,- ոտքի է ելնում և դիմում «Վիլիսի» վարորդին,- Համբարձումյանի հոր շիրիմի մոտով կգնաս:

Խմորհատ բարձունքում կա մենակ մի շիրմաքար, գրանիտե, ծանրորեն փարված հողին:

«Աստ հանգչի

Համազասպ Ասատուրի Համբարձումյան

Ծնյալ 1880 թ.

Ի Վասակաշեն (Բասարաբեյար)

Վախճանյալ

1965 թ. փետրվարի 3-ին

Բանաստեղծ

Բանաստեղծ

Թարգմանիչ»:

Ինչո՞ւ է կտակել, որ իր հանգստարանը այդտեղ, հենց Խմորհատ բարձունքին լինի: Ես ինձ իրավունք չեմ տալիս այդ տարօրինակ ու մեծ մարդու վերջին խոսքի «թարգմանիչը» լինել, դա հնարավոր էլ չէ և չեմ էլ փորձում հասկանալ սարի գլխին իր մեմակությունը գրկած գերեզմանի խորհուրդը: Մենք լուռ կանգնած ենք շիրմաքարի մոտ, բայց մեր շուրջբոլորն ենք նայում և հանկարծ գլխի են ընկնում, որ շիրմաքարին երկար նայել չեմ կարող, մի քիչ վեր, աստղադիտարանի աստղափայլ գմբեթներ են՝ թռցնում են հայացքդ ու կապում Արագածի ճերմակ ամպերին, իսկ վարը՝ հորիզոնը, Արարատի ու լեռնապարի հետ կարված ծանր հորիզոնը, որ թվում է, թե կշիռ է ունի, պարզապես քաշում է հայացքդ:

Հետո Խմորհատի քարքարոտ լանջով իջնում ենք տափարակը: Դաշտային վագոնիկի դռանը խնքված մեխանիզատորները վրագլուխ են թափ տալիս, որ նստեն ճաշվահացի: Բոլորը չսափրված են և ներքնաշապիկներով:

- Վարպետ չե՞ք բերել,- հարցնում է Սերյոժան:

- Ի՞նչ վարպետ:

- Քարտաշ:

Հողամասի եզրին բարձր ու հաստ մի քարաբեկոր է կանգնած: Դեռ կարգին արև չի կերել և զոգահովտի հողի գույն ունի: Տղաները որոշել են քարը կանգնեցնել մի հարմար տեղ, զուցե հենց բարձունքի վրա, և մի եր-

կու խոսքով, փորագրել տան տափարակի պատմությունն ու իրենց անունները:

- Բայց կարգին վարպետ է հարկավոր, հա՛, - իր կարծիքն է հայտնում տեղամասի պետ Սիսակ Դարբինյանը: (Ժամանակին Ապարանի մեքենատրակտորային կայանի դիրեկտորն է եղել և նորավարտ ինժեներ-մեխանիկ Լիպարիտ Յովսեփյանին հրամանագրել-ընդունել է աշխատանքի: Յետո բաժանվել են ու ահագին ընդմիջումից հետո հանդիպել մի մոր հիմնարկում, միայն թե ղեկավարն այս անգամ Լիպարիտ Յովսեփյանն է): - Գրագետ պետք է լինի, որ տառապիսյալներ չանի,- զգուշացնում է և քթի տակ ղնդնում մի հին երգ «Ապարանա ջրի» մասին:

Վարպետը թղթից կարտագրի, ընկեր Դարբինյան,- հիշեցնում է բուլղոզերավար Սերյոժան,- վարպետը հո իրենից չի՝ հնարելու, որ սխալ անի:

- Հա՛... Ուրեմն պետք է պարզ գրել, որ արտագրելուց չսխալվի:

Լիպարիտի հետ նստած ենք ձևակերպելու ի հիշատակ փորագրվող արձանագրությունը:

- Տղերք,- ժպտում է Լիպարիտը,- իմ անունն էլ գրե՞մ:

Տղերքը չորս կողմից վրա են տալիս:

- Բա եղա՞վ, ընկեր Յովսեփյան, բա առանց քե՞զ, բա եղա՞վ... անկեղծ, միամիտ իրարանցումով հավաքվել են մեր գլխին, մոռացել են իրենց ու քարերի կռիվը, ո՛չ հոգնած են, ո՛չ զանգատ ու պահանջ ունեն: Անցած գիշեր, մի շաբաթվա աշխատավարձի հետ, դադրությունը թափել էին Բյուրականի ճաշարանում, բյուրականցիների հետ կիսել իրենց ուրախությունը,- տափարակի հետ հաշիվներս մաքրել ենք,- և հիմա հավաքվել են մեր գլխին, անհամբեր սպասում են, թե՛ ի հիշատակ, ինչ է փորագրվելու...

«Այս է վկա Խմորիատ տափարակի, որ բազում փոստրակներով անհարթ էր և լցված այսպիսի քարերով... Տափարակը քանդվեց և հարդարվեց ձեռքը՝ Լիպարիտ Յովսեփյանի, Սիսակ Դարբինյանի, Սերյոժա Մադոյանի, Պարզև Հակոբյանի, Թելման Մարտիրոսյանի, Յովսեփ Հակոբյանի, Սարգիս Պողոսյանի, Գուրգեն Թադևոսյանի... Խմորիատ տափարակին՝ արև և կանաչ խաղաղություն: Ամեն... 1970 թվական, օգոստոս»:

Մեր արևը կա, մեր լեռները կան, որ կարող են ճաք տալ, պայթել, խոնարիվել, ցածրանալ, դառնալ տափարակ հող, իսկ մեր ջուրը երկնքից է գալիս, ամպերը պետք է բերեն...

- Ես աղբյուրները պետք է վերցնեն խողովակի մեջ, տանեն,- ժորան երեկ-մյուս օրվա իր լսածն է հայտնում:

Աղբյուրները Ապարանի «Քառասուն աղբյուրներն» են, որ բխում են ավանի կենտրոնի մի գիրկ բլրակից, խառնվում իրար և կազմում Քասախ գետը:

- Ո՞ւր են տանելու:

- Ներքևները,- անորոշ ձեռքով է անում:

Մի տասը-տասնհինգ տարի հետո Հայաստանում ինչքան աղբյուրներ

կան՝ կմտնեն խողովակների մեջ. քաղաքներում ու ավաններում դուրս կգան... Եվ ճիշտն այն կլինի, որ կինոսպերատորները հենց էզուցվանից նկարահանեն մեր աղբյուրների ակունքներն ու ափերը, գալիք սերունդները իսկական աղբյուրներ կհնոնկարներուն պետք է տեսնեն:

Նստած ենք Քասախ գետը բխող բլրակին, ամեն մեկս՝ մի աղբյուրի գլխի, գրուցում ենք ու իրար չենք նայում, նայում ենք խլբլդացող ջրերին, որ քարերի տակից լուսաշխարհ են դուրս գալիս թե չէ՝ միանգամից հնանում են, դառնում միլիոն-միլիոն տարեկան:

- Էս ջրերը որ տարան, Ապարանի ջրամբարն ինչո՞վ է լցվելու,- հարցնում եմ:

Ժորան առանց գլուխը բարձրացնելու ձեռքով ցույց է տալիս Արագածը, որ մոտ-մոտ է, մեր թարթիչների տակ է: Հյուսսակողմի գագաթը մի ծվեն ճերմակ ամպ է ծխում, պիտի ծլի, ծավալվի՝ անծրև բերի: «Էդ ծվենը Արագածի «Լուսավորչի կանթեղն է», - հիշում եմ ավանդագրույցը:

- Եվ Ծաղկունյաց լեռների հեղեղատներով,- ավելացնում է Ժորան:

Լռակյաց, բշխոս տղա է, շրջանային «Ծաղկունք» թերթի խմբագրի տեղակալն է, ինչքան հանդիպել ենք, նույն լրջությամբ եմ տեսել դեմքին, նույն զուսպ ժպիտը, ոչ շուտ ոգևորվում է, ոչ շուտ կոտրվում:

- Ամեն տարի հո այսպիսի երաշտ չի՞ լինի,- նայում է ճանապարհի կողմը,- մեքենան եկավ,- և նորից հիշեցնում է,- Քասախ գյուղից լիճը հեռացել է:

Իսկ իմ մտապատկերում մնում է լճի առաջին գարունքվա ջուրը: Վանքի թաղը, որ բարձրում, ծորալանջին էր, նոր էր դատարկվում: Ջուրը եկեղեցուն ու թաղի տները չէր հասնելու, երբեք չի հասնելու, բայց մարդիկ բարձում էին քոչերը: Ներքին թաղեցիները կարող էին բարձրանալ ու Վանքի թաղից վեր կառուցել տներ, շատերը հենց այդ էին ուզում, բայց գյուղը տեղահանել-վերաբնակեցնելու որոշումը քչերի կողմն էր՝ նրանք ուժեղ էին, և Քասախ գյուղը դատարկվում էր:

Հիմա... Հենց այն տան մոտից, որ ջրամբարի առաջին գարնանը շրջապատված էր ջրով. կտուրին քնած մնացած շունը արթնացել ու ոռնում էր, հենց այդ տան փլատակներին կանգնած նայում եմ ձոր ու ձոր, Քասախ գետի հունն ի վար, իսկ լճի ճոթը չի երևում, քաշվել-զնացել է, տեղը թողնելով տիղմ ու ավազ: Համր տները շրջապատված են մարդահասակ փշերով,

Ամենագարմանալին դրանք են, օծերի պես պոչներին կանգնած այդ փշերը: Ես Քասախ գյուղում եղել եմ նաև շեն ժամանակ, այդ գյուղի հողը փուշ ծնող չէր. մամռոտ պատաշարերով տնամերձերում լեռնային ցածրաճ կանաչն էր, հենց շենի մոտ ճնծաղիկ էր ծլում, կտուրին՝ մայիսյան ծաղիկ, մարագների խոնավ պատերից կախվում էին երեքնուկների վարդագույն գանգակները, գյուղի պորտաբաց երեխաները վազվզում, ծտան պաշարով, ցանցապատ փողոցներով իջնում էին գյուղի դիմացի մարգագետինը, որը հիմա ավազի ու տիղմի տակ է: Այս գյուղի հողը փուշ ծնող

չէր՝ որտեղի՞ց են հայտնվել և պոչներին կանգնած օծերի պես շրջապատել լքված տները: Նրանք, այդ փշերը, թիկունք ունեին և դեմք՝ ամռան միջօրեին կծուտած և նրանց կծուտ դեմքերը ուղղված էին գոց դռները: Ինձ թվաց նաև, որ այդ փշերը շարժվում են՝ հաստատակամ ու նպատակադիր...

Այդքան անշունչ և այդքան կենդանի փշեր չէի տեսել:

- Վեր կենաս՝ տրորես, կրակ տաս...- ջղայնանում եմ:

- Նորից կծկեմ,- ժորան ձեռքը թափ է տալիս:

Փշերը սպանելու համար կամ գոց դռները պետք է բացել, կամ Արագածից հեղեղ պետք է պոկվի՝ լցնի ջրամբարը, տակով անի այդ սարսռազդու պատկերը...

Եկեղեցու պատի տակ նստած երկու ծերունի ու մի պառավ մեզ են նայում: Մոտենում, բարևում ենք: Պատասխանում են չկամ: Ծերմակ մազերով ու պինդ ծերունին նախկին Քասախ գյուղի դարբին ու հյուսն Սկրտիչն է, կուզը շալակած Յովակ քեռին նախկին Քասախ գյուղի հովիվն է եղել, չորջրուկ տատը նախկին Քասախի կթվորուհի Սոֆոն է:

- Ինչո՞ւ եք դատարկ ձեռք,- Սկրտիչ քեռին հարց է տալիս, ապա տեսնում է, որ մենք տարակուսած իրար ենք նայում, ավելացնում է,- ձեր բահն ու քլունգը որտե՞ղ են,- լռում է, սպասում պատասխանի, չկա, ավելացնում է,- «Վիլիսի» մե՞ջն է, հա՞,- լռում է, սպասում պատասխանի, ավելացնում՝ ինչո՞ւ եք քչվոր, վանքը երկուսով քանդել կլինի,- լռում է, գայրանում, որ չեն պատասխանում՝ անորոշ հայիոյում է և դառնում պառավին,- Սոֆո, չորցած արև, մի՞տղ է:

- Ի՞նչը:

- Չոռ ու ցավ,- դառնում է գլուխը ծնկներին կախած ընկերոջը,- Յովակ, սատկած Յովակ, խլվլա, մեռա՞ր,- բաց-բաց հայիոյում է, պառավը չանչ է անում, և նա հայիոյանքը շուռ է տալիս պառավի կողմ:

Նոր բնակատեղից (որը Երևանին մոտիկ սովխոզն է) եկել են ամռան ամիսները իրենց Քասախ գյուղում անցկացնելու, կենում են Վանքի թաղի անվճառ տներում, հավաքվում եկեղեցու պատի տակ, նայում պոչը բաշած-հեռացած լճի կողմ, հորինում, թե գյուղը վերադառնալու մասին խոսք կա, բայց համագյուղացիներից նրանք, ովքեր սովխոզում պաշտոններ ունեն, խանգարում են: Եվ վիճում են, և՛ հայիոյում:

- Մի բան հարցնեմ, կիմանա՞ք:

Սկրտիչ քեռու շնչից պառավը հասկանում է, որ նրա հարցը իրենց անեմօրյա հույս ու հուսախաբության հետ կապ ունի, քաշում է ծերունու փեշը, թե՛ բացբերանություն մի արա, Աստված գիտե սրանք ինչ մարդիկ են:

- Անխելք Սոֆո,- բամփում է,- չե՞ս տեսնում, սրանք զրի հետ զործ ունեցող մարդիկ են, սրանցից վնաս չկա...

- Թե կիմանա՞մ... ես քանդողի...- վանքի թիկունքից հասնող հայիոյանքը խոսքը կտրում է: Ապա երևում է հայիոյողը, միջին տարիքի կին է՝ ձեռքերը հետևին դրած, աչքերում կռիվ: Ամուսնու հետ սովխոզից հենց մոր է եկել:

- Տանս կտուրը ծակել են, ո՞վ է ծակել:
- Փլել է,- շտկում է Մկրտիչ քեռին:
- Չէ, իմ տան կտուրը ամուր էր, չէր ծակվի: Ծակել են: Ո՞վ է ծակել: Թե կիմանա՞մ, ես քանդողի...- հայիոյում է, ամուսինը փորձում է կարգի հրավիրել:

- Քո գործը չէ,- լեցնում է,- ով որ շուտ է եկել գեղ, մա է իմ տան կտուրը ծակել: Թե կիմանա՞մ...

Մկրտիչ քեռին գլուխը կախ փայտ է տաշում: Սոֆո տատը մատած տեղը անհանգիստ շարժվում է, իսկ քեռի Յովակը մեջքը հենել է վանքի պատին, կուզը ցցել, քիթը կպցրել ծնկներին, ննջում է. կես ու պռատ լսում կռվով հայտնած կնոջ զանգատն ու հայիոյանքը և գլխի չի ընկնում: Սոֆո տատը իրեն զգում է ծերունու կողքը, քաշում թևից, փսփսում ականջին, դառնում ձեռքերը տղամարդավարի ետևին դրած կնոջը:

- Ամենաառաջ էս մարդն է եկել... Յովակ տղա, ծեն հանե,- բորբոքում է ծերունուն:

Եվ տխուր, և ծիծաղելի էր այդ ավեր տմատերերի անգիջում կռիվն ու հայիոյանքը...

- Մեր ներկայությամբ ավելի են բորբոքվում, զնանք,- նկատում է Ժորան, և առանց մնաս բարևի հեռանում ենք: Լիճը տեսնելու համար պետք է նորից դառնանք Քուչակ, այնտեղից՝ լճի սկիզբը, պատվարին սեղմված, կուչ եկած ջրի մոտ:

Կա հնուց ավանդված մի գրույց, թե՝

«Արագածի, Արա լեռան և Ծաղկունյաց լեռնապարի գրկում, ներկա «Ապարանի ջրամբարի» տեղում մի ժամանակ լիճ է եղել: Ծաղկունյաց ծով, որի ափերին երկու տեղ ելք են բացել և ջուրը բաց թողել՝ հայոց ջրատուչոր հողերն այգիների վերածելու: Ապա... Թշնամին չկարողացավ հանդուրժել հայոց հողին սպասվելիք ծաղկունն ու փթթումը, դավադրաբար, ժայռերի տակից մի քանի տեղ անցք բացեց, ջուրը հոսեց, և արագ պակասեց «ծովը»: Այդ ժամանակ, թագավորը խորհրդի հավաքեց երկրի գիտուն մարդկանց, բայց սրանք ելք չգտան:

- Ես գիտեմ ելքը,- ձայն տվեց լեռներից նոր իջած մի հովիվ:- մեր երկրում ինչքան ոչխարի հոտ կա, պետք է խուզել, բրդի կույտերով ես կփակեմ ջրի բոլոր անցքերը, միայն թե մի ոչխար էլ չպիտի մնա առանց խուզվելու:

Թագավորը հրաման արձակեց, և երկրի բոլոր կողմերից սայլեր եկան՝ բեռնված բրդի դեզերով: Սակայն հովվին էլ չհաջողվեց փակել կորչող ջրի ճանփան:

- Կա-չկա,- ասաց սա,- մեկն իր ոչխարը չի խուզել: Երբ ստուգեցին հովվի ասածը, տեսան՝ մի իշխան, իրոք, թաքցրել է մի ոսկեզեղ ոչխար, որի բրդով ուզում էր զարդարել իր ապարանքը:

Իսկ «ծովը» ժամեժամ ցամաքում էր... Ի վերջո, սև կտորին դրված ճերմակ կարկատանի նման՝ երկրի վրա մի լճակ մնաց փայլփլուն: Արագածի

Սև լիճն էր դա...»:

Այսպե՛ս... Մեր հող ու ջրի թշնամիներին բան չուներ ասելու: Թշնամին թշնամի է և ձեռքից գա իր թշնամու ծովի հատակն էլ կծակի, ինչպես որ Ապարանի ծովն են մի քանի տեղից ծակել, ցամաքեցրել: Ա՛յ մեր էն իշխանի արածն ուրիշ է. էդ մեկը արդեն թշնամին չէր կարող անել, չէր կարող՝ ճակատին սև տառերով թշնամի գրած մարդը չէր կարող գալ, դառնալ հայոց հող ու ջրին տեր հայ իշխան. հետո էլ մի ծով ջուր փոխել մի «ոսկեզեղմ ոչխարի» բրդի հետ: Թե չէ, ո՞վ է իմանում, գուցե էն հովիվը, իրոք, աստվածատուր-իմաստուն է եղել, գուցե հենց էդ մի ոչխարի բուրդն է պակասել ծովը պահելու համար: Մանավանդ որ ծովը ճիշտ ու ճիշտ եղել է. գիտնականները հաստատել են ավանդազրույցը: «Ապարանի ավազանը ժամանակին հաջորդաբար եղել է անկողինը միջաշխարհային մի ծովի, ապա ծովալճակի, ի վերջո, լճի: Նա տարածվել է Իլան-Չալանից (այժմ՝ Արտաշական) մինչև Սիրաք գյուղի սահմանները»:

Եվ եթե էդ գծուծ իշխանը չէ պատճառը, Ապարանի ծովը ո՞ր կորավ: Արագածի հողը ջուր չի՞ պահում... (Հնուց մի ուրիշ գրույց ասում է՝ մի հովվի ծխամորժը ընկնում է Արագածի Սև լիճը ու էդ ծխամորժը մի ուրիշ հովիվ գտնում է Արարատյան դաշտում՝ Այդր լճում): Հավատա՞լ, չհավատա՞լ, ո՞րն է ճիշտը... Քիչ է մնում վեր կենաս ու դառնաս երկրաբան... Միամիտ բան են ասում. Ապարանի ջրամբարը կառուցելուց առաջ երկրաբանները պարզել են, է՛, ինչքան ժամանակ երկրաբանների մի խումբ ծակծկում էր ապագա ջրամբարի հատակն ու կողերը... Հազար տեղ ծակեցին, որոշեցին հողի կազմն ու ջրաթափանցելիությունը և կանգնեցին մի խոսքի՝ այստեղ ջրամբար կառուցել կարելի է:

Ես կարգին տնտեսագետ չէի լինի. մի ժամանակ կարծում էի, երբ փակվի Քասախ գետի հունը, և Ծաղկունյաց լեռներում ծնծղա Ապարանի լիճը, Քասախ գետը կկտրվի, ու գետի հունն ի վար ձորը լցված ուռենիները կչորանան... Եղբայրս, որ հիմա տնտեսագետ է, իսկ այն ժամանակ երեխա տղա էր, ծփծաղում էր մտահոգությանս վրա:

«Ուռենիների ցա՛վն է... Քասախ գետը էղպես ո՞ր է գնում»:

«Եջմիածին, Արարատյան դաշտ»:

«Պարապ տե՛ղ է գնում, դաշտերն է ջրում, չէ՞»:

«Ուռենիների ցա՛վն է»,- ծփծաղում էր եղբայրս:

Եվ գլխի ընկա, որ Ապարանի ծովը շինվում է Արագածի ձյուների, Արագածի անպուզամպի հույսով... Իսկ այս տարի երաշտ է, աննորմալ, տեսար մի անսովա անծրեք կես ժամվա կարկուտ դարձավ. թափվեց խեղճ մի սարի գլխի, պոկվեց հեղեղ բշեց, ասեմք, մեր գյուղի ոչխարները, և գյուղացիները ոչխարները մոռացած՝ ափսոսանքով նայեցին պարապ ձորով պարապ տեղը գնացող հեղեղի ետևից:

Այս տարի Ապարանի լճում եղածը մի բուռ է՝ մակարդակը ջրկափանից իջել է, և Քասախ գետը, որ հիմա դեռ լիճն է թափվում, բանտարկվում-մնում է. լճից դուրս գալ, պատվարից հետո ճանապարհը շարունակել չի

կարող: Ուրեմն էս ամռան կեսին ձորի ուռենիները... էլի՝ ուռենիները... Ուրեմն էս ամռան կեսին Էջմիածնի այգիները չորանա՞ն... Արգնի-Շամիրան ջրանցքի երկրորդ հերթի մայրուղին որ գալիս է, մի տեղ Քասախի ձորն է կտրում, հենց այդտեղ մայր ջրանցքից ահագին ջուր են բաց թողել ձորը, Քասախ գետի փոխարեն գնում է Էջմիածնի այգիները ջրելու... Շեն կենաս, Սևան, Արարատյան դաշտեցիները քո շաշլուքյունը չեն ուրանա. էս է, հա՛, գինին ու օղին դուրս եկավ, ուրիշ տեղ վաճառքի չեն տանի՝ կառնեն-կբերեն Սևանի փրկիչ թունելագործների մոտ...

- Անցյալ տարվա գարնանը ալիքները էս պատվարի գլխից թռչում էին,- հիշում է ժորան:

Ուրեմն՝ Ապարանի լիճը առնկեպոունկ լցվել է և ավելցուկը կողքի ջրափով գնացել է ձորը: Բա էդքան ջուրն ի՞նչ եղավ, հիմնական թունելը, որ ջուրը լճից պետք է դուրս բերի՝ «Հայոց ջրատուչոր հողերը այգիների վերածնելու», նոր-նոր պատրաստել է, բա անցյալ գարունը վա ութ հարյուր հեկտար մակերեսով ջուրը գոլորշիացավ, ի՞նչ եղավ...

- Մաղում է, շատ է մաղում,- հայացքը պատվարի մոտ կուչ եկած ջրին, ժորան գլուխը տանում-բերում է:

Հինգ տարի առաջ, լճի բացման արարողությանը ներկա էի, շինարարները իրենց հզոր մեքենաները առել-հեռացել էին, լճի ծախ ափին միայն մի հորատիչ կար, ցաննտաջուր էր սրսկում՝ ջուրը մաղվում է: Հիմա ցեմենտաջուր սրսկողները հինգն են, անցել են աջ ափը...

- Ամիսը հինգ հարյուր տոննա ցեմենտ ենք սրսկում,- ասում է Սուրիկը: Քուչակ գլուղից է, հինգ տարի է նույն գործին է՝ տղերքի հետ լճի ափերը մոտիկ-մոտիկ հորատում է, ցեմենտաջուր է սրսկում, որ Ապարանի ծովը չմաղի:

Է՛, մի խումբ ընտիր երկրաբաններ սխալվել չեն կարող, երկրաբանները ճիշտ են, ջուրն է սխալ, որ մի տեղ չի կանգնում, ինչքան ժամանակ է, մեր թշնամիների ջրադացն է պտտում: Ժամանակին էն իշխանը իր ոչխարի բրդի հետ, էդ... էդ... բայց ես հիմա նրա հետ գործ չունեմ, հիմա արդեն ուշ է, հայիոյելն ու գայրոյսից ճաքելը անհույս բան է, իմ հույսը դու ես, Արագած...

Ծխախոտ են վառում ու նստում լճափի քարերին:

Ծաղկունյաց սարերի կողմից լճին է մոտենում մի ծերունի՝ տաքատի փողքերը բրդե գուլպաների մեջ հավաք, ձեռնափայտը անթատակերով սեղմել է թիկունքին, ձեռնափայտը շալակել է ու խոնարհված գալիս է: Հասնում է պատվարի ցայտաղբյուրին, գլուխը տնքտնքացնում, երևի բողբոջում է,- ո՞ր ես... քարափը թողած, եկար կանգնեցիր ասֆալտին... Առավոտից քեզ են որոնում,- ձեռնափայտը շալակից վար է բերում, խոնարհվում ցայտաղբյուրին, թրջում դեմքը, բեղը, հետո ծանր նստում է, հենվում ցայտաղբյուրին, հայացքը կախում լճի մեջ:

Ծերունին հանում է գլխարկը. հագցնում ծնկին, նայում Արագածի կողմը, և նրա շուրթերը մրմնջում են: Ի՞նչ է ուզում... Ես մտքումս հորինում եմ

լեռներից լճափ իջած ծերունու մրմունջը.

«Երևացրու քո «Լուսավորիչ կանթեղը», Արագած... Ես մեղավոր եմ, դու արդար, բայց քո որոտալու փոխարեն ես եմ գոռգոռում, հալածում քո ամպերը... Դու մեծ ես, քո բարձրությունից նայիր իմ փոքրությանը և ներիր... Ամպուզամպ արա, քո ծեր ճակատի շանթերով բաց հեղեղատի ծամփան, թող գա՝ լցնի այս դատարկ լիճը... Ուղարկիր՝ ուղարկիր անխնա՝ մեծահոգաբար վճարիր քո էն անարժան իշխանիկի գծուծության դիմաց և այս Ծաղկունյաց լեռներում մի լիճ ջուր պահիր՝ և գարունքին, և ամռանը, և գիշեր ու զօր... Դու իմ հավատը աներկմիտ, ես քու ուխտավորը»:

Իսկ և իսկ ավանդազրույցի իմաստուն հովիվն էր:

1970